



Diyaarinta Maxkamadda Dacwadda Qaxootiga

Buughagaha Dadka Qaxootinimo U Dacwoonaya

Winnipeg, Manitoba

Somali

Wixii dib u cusboonaysiin lagu sameeyo Buughagahaan fadlan booqo:
www.kinbrace.ca/rhp-guide/updates

Tusmada Buughagaha

Dacwadda Magangalyo Qaxootinimo	2–15
Magangalyada Qaxootiga Oo Kooban ——————	2
Dhacdooyinka Cayiman iyo Taariikhaha Muhiimka ah ——————	5
Qabsashada Qareen Sharci ——————	8
Buuxinta Foomka Xogta Dacwaddaada (Basis of Claim Form) ——————	10
Gudbinta Foomka Xogta Dacwaddaada ——————	13
Isu Diyaarinta Maxkamadda Dacwaddaada	16–31
Uruurinta Caddaymaha: Dulmar Kooban ——————	16
Uruurinta Caddaymaha: Qeexidda Ereyada / Weeraha Sharciga ——————	19
Uruurinta Caddaymaha: Qodobbada Sharciga ——————	22
Gudbinta Caddaymahaaga ——————	28
Dhawridda Caafimaadkaaga Intaad Isu Diyaarinaysid Maxkamadda Dacwaddaada ——————	30
Maalinta Maxkamadda Dacwaddaada	32–37
Maalinta Maxkamadda Dacwaddaada ——————	32
Liiska Qodobbada Diyaarinta Maxkamadda Dacwadda ——————	36
Maxkamadda Dacwaddaada Ka Dib	38–39
Qeexidda Ereyada / Weeraha Sharciga	40–41
Hay'adaha Dawladda	42–43
Macluumaad / Ilo Wareedyo (Resources)	44

Kanada waxay ku siinaysaa magangalyo qaxootinimo haddii sababaha ad waddankaagii uga soo carartay ay buuxiyaan shuruudaha sharciga qaxootiga Kanada.

Buughagaanu wuxuu kaa caawinayaan in ad fahamtid:

- Sidaad u bilaabaysid dacwadda magangalyada qaxootinimo
- Qeexidda Ereyada / weerah sharciga ee magangalinta qaxootiga
- Waqtiyada kama dambaystaa ee u diyaargarowga maxkamadda dacwaddaada
- Nooca caddaymaha lagaa rabo inaad u gudbisid hay'adda socdaalka iyo qaxootiga
- Sida ad ugu diyaargaroobaysid maxkamadda dacwaddaada
- Meesha laga helo macluumaadka muhiimkaa ee u diyaargarowga maxkamadda dacwadda
- Maxaa dhacaya maalinta maxkamadda dacwaddaada

Tallaabooyinka ugu horreeya ee muhiimkaa:



Hadda raadso caawimaad sharci!

Dadaal walba u gal sidii ad ku heli lahayd qareen wanaagsan oo kaa caawiya dacwaddaada qaxootinimo. Haddii aadan qareen iska bixin karin codso caawimaad sharci. Hadda wac ama booqo Hay'adda Socdaalka Dadka Diimaha Kala Duwan ee Manitoba (eeg bogga 9)!



Hadda bilow inaad is diyaarisid!

Bilow inaad isu keentid qoraalo iyo caddaymo si ad u caddaysid in dacwaddaodu run tahay iyo in ad dhab ahaantii u baahan tahay magangalinta Kanada. Dhammaan caddaymaha iyo aqoonsiyadaada u tarjum Af Ingiriis ama Faransiis sida ugu dhakhso badan.

Ereyada la soo gaabiyeey ee ku jira Buughagahaan

BOC: Basis of Claim (Xogta Dacwadda Qaxootinimo)

CBSA: Canada Border Services Agency (Hay'adda Adeegyada Xudduuda Kanada)

CIC: Citizenship and Immigration Canada (Wasaaradda Socdaalka iyo Waddaninimada Kanada)

DCO: Designated Country of Origin (Waddan Ku Jira Liiska Waddamada Ammaankaa)

DFN: Designated Foreign Nationals (Waddaniyiin Shisheeye An Caadi Ahayn)

IRB-RAD: Immigration and Refugee Board of Canada – Refugee Appeal Division (Hay'adda Socdaalka iyo Qaxootiga Kanada – Qaybta Rafcaanka Qaxootiga)

IRB-RPD: Immigration and Refugee Board of Canada – Refugee Protection Division (Hay'adda Socdaalka iyo Qaxootiga Kanada – Qaybta Magangalyada Qaxootiga)


LAM: Legal Aid Manitoba (Hay'adda Caawimaadda Sharciga Manitoba)

MIIC: Manitoba Interfaith Immigration Council (Hay'adda Socdaalka Dadka Diimaha Kala Duwan ee Manitoba)

NDP: National Documentation Package (Qoraalada Warbixinada Waddamada)

UNHCR: United Nations High Commissioner for Refugees (Hay'adda Qaxootiga Qaramada Midoobay)

Magangalyada Qaxootiga Oo Kooban



Waxaa dhici karta inaad ka soo badbaaday dhacdo baqdin leh ama kula kulantay caddaalad darro xun waddankii ad ka timid. Ama inaad ka baqaysid inaad ku laabato waddankaagii ammaan darro awgeed ama ay adagtahay inaad shaqo ka heshid. Xaqiiqooyinkaanu lama macna aha inaad isla markiiba toos ugu qalmaysid magangalin qaxootinimo.

Si aad u heshid magangalyo qaxootinimo, waxaa kugu waajib ah inaad caddaysid inaad buuxisid shuruudaha sharciga ku qeexan ee loo aqoonsan yahay qofka qaxootiga caadiga ah (Convention Refugee) ama qof magangalyo u baahan (Person in Need of Protection). Qaybaha dambe ee Buughagahaan ayaad in badan ku sii ogaan doontaa macnayaasha sharcigaa ee ereyada. Waxaa kaloo kugu waajib ah inaad caddaysid inaad run sheegaysid. Taa waxaad ku samayn kartaa adoo soo uruuriya caddaymihiyo iyo adoo si cad oo faahfaahsan uga warbixiya wixii kugu dhacay.

Hay'adda Socdaalka iyo Qaxootiga Kanada – Qaybta Magangalyada Qaxootigu (IRB-RPD) waxay go'aaminaysaa inaad u qalantid magangalyo qaxootinimo.

Kanada markaad weydiisatid (codsatid) magangalyo qaxootinimo, waxaad ku dacwoonaysaa inaad tahay qaxooti. Si ad ugu guulaysatid dacwaddaada qaxootinimo, waa inaad caddaysaa inaad tahay sida caalamku ku heshiiyey Qaxootiga Caadiga ah (Convention Refugee) ama ah Qof u Baahan Magangalyo (Person in Need of Protection). Macnayaasha sharcigaa ee ereyadaan waxaa laga heleyaa qaybaha 96 iyo 97 ee Xeerka Socdaalka iyo Magangalyada Qaxootiga Kanada (eeg bogogga 20–21 ee Buughgahaan).

Waxaad fursad u heleysaa in maxkamadi dhagaysato dacwaddaada qaxootinimo halkaas oo codsigaaga magangalyo lagu go'aamin doono. Dhagaysiga dacwaddaada qaxootinimo sida ay u badan tahay wuxuu dhici doonaa 1 ilaa 2 bilood ka dib markii ad gudbisay dacwaddaada qaxootinimo. Maxkamadda dhagaysiga dacwaddaada qaxootinimo, garsooraha go'aanka gaaraya ee Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD), laguna magacaabo Xubinta Guddoonka, wuxuu tixgalin doonaa caddaymahaaga afkaa, caddaymaha markhaatigaaga, dacwaddii ad ku qortay Foomka Xogta Dacwadda (Basis of Claim Form), iyo wixii kaloo caddaymo ad gudbisay si uu go'aan uga gaaro inaad u qalantid magangalyo qaxootinimo.

 **Xusuusnow:** Dacwooyinka qaarkood, waxaa dhici karta in Hay'adda Socdaalka iyo Qaxootiga Kanada kugu wargaliso in dacwaddaada "la dadajinayo." Markaasoo kale, ma maraysid maxkamad dhagaysi dacwad caadi ah. Wixii macluumaad dheeraad ah oo ku saabsan habka dacwadda la dadajiyey, fadlan eeg bogga 41.

Qoraalada caddaymaha laga tixgalin doono maxkamadda dhagaysiga dacwaddaada waxaa ka mid ah:

- Foomka Xogta Dacwaddaada Qaxootinimo
- Dhammaan foomamka codsiyada Wasaaradda Socdaalka iyo Waddananimada Kanada (Citizenship and Immigration Canada application forms)
- Wixii kaloo qoraallo ad u gudbisay caddaymo ahaan
- Warqadaha (qoraalada) rasmiga ah ee Wasaaradda Socdaalka iyo Waddananimada Kanada (CIC) iyo Hay'adda Adeegyada Xudduudaha Kanada (CBSA)
- Qoraalada Warbixinada Waddamada (NDP) ee Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) (eeg bogga 18)
- Codsigii fiisaha (VISA) ad saxiixday intii an lagu siin fiisaha Kanada, haddii ad fiisa codsatay
- Baasaboorkaaga iyo shaabbadaha ku dhufsan oo muujinaya dalalka caalamka ad soo martay, haddii ad baasaboor leedahay

Saddex arrimood oo muhiim ah inaad ka ogaatid nidaamka magangalyada qaxootiga Kanada:

1

**Nadaamka
magangalyada
qaxootiga Kanada
waa mid dheereeya
oo leh dhacdooyin
waqtii cayiman oo
kooban.**

Isticmaal buughagahaan si
uu kaaga caawiyo fahamka
nadaamka magangalinta
qaxootiga iyo inaad ka soo
baxdid ballamaha
muhiimka ah.

2

**Saddex
hay'adood
oo dawladdaa
ayaa ku lug leh
nadaamka dacwadda
magangalyada
qaxootiga.**

Hay'ad kastaana waxay ka
qaadataa kaalin gaar ah
habsocodka dacwaddaada
qaxootinimo waxayna
leedahay cinwaano iyo
telefoono gaar ah oo lagala
xiriiro. Haddii ad baddashid
cinwaankaaga ama nambarka
telefoonkaaga waa inaad
hay'ad kasta gooni ula xiriirtaa
siisana xogtaada cusub.*



IRB-RPD:

Hay'adda Socdaalka iyo
Qaxootiga Kanada – Qaybta
Magangalyada Qaxootiga



CIC:

Wasaaradda Socdaalka iyo
Waddananimada Kanada



CBSA:

Hay'adda Adeegyada
Xudduudaha Kanada

3

**Haddii ad
ka timid
Waddan Ku Jira
Liiska Waddamada
Ammaankaa (DCO),
waxaa jira xeerar
gaar ah iyo jadwalka
dhacdooyinka
oo dheereeya
oo khuseeya
dacwaddaada.**

Muhiim bay kuu tahay
inaad markiiba ogaatid in
waddanka ad ka timid uu
Dawladda Kanada ugu jiro
liiska waddamada ammaankaa
(DCO). Booqo bogga
internetka www.cic.gc.ca
(raadi "dco") si ad u aragto
liiskii waddamada ee ugu
dambeeyey.


Waxaad kaloo weydiin
kartaa sarkaal Wasaaradda
Socdaalka iyo Waddananimada
Kanada (CIC) ama Hay'adda
Adeegyada Xudduudaha
Kanada (CBSA) u shaqeeya
in ad ka timid waddan ku jira
liiska waddamada ammaankaa
(DCO).

Ka eeg bogga 40 macnaha
waddan ku jira liiska
waddamada ammaankaa
(DCO).



Ka eeg bogga 43
cinwaanada iyo faahfaahin
deeri ah.

Jadwalka Dhacdooyinka iyo Taariikhaha Muhiimka ah



Jadwalka dhacdooyinka dacwaddaada magangalyada qaxootinimo wuxuu ku xiran yahay meesha ad iska dhiibtay iyo haddii ad ka timid waddan ku jira liiska waddamada ammaankaa (DCO) iyo in kale.

Labada bog ee soo socda, si fiican u fiiri labada jadwal ee dhacdooyinka. Dooro jadwalka dhacdooyinka ku khuseeya. Meeshii ad ku aragtid santuukh bannaana, ku qor taariikhahaaga muhiimka ah.



Waxaan iska dhiibay garoon diyaaradeed, dakad, ama xudduud la isaga gudbo

**Maalinta
0**

- Dhamaystir waraysigaaga qiimaynta inaad u qalantid tixgalin qaxootinimo.
- Qaado Foomka Xogta Dacwaddaada Qaxootinimo (BOC).
- Qaado taariikhda ay dhacayso dacwaddaada qaxootinimo.

**Maalinta
10**

Maalinta ugu dambaysa in ad u geysid halka ay kaala soo xiriirayaan Hay'adda Adeegyada Xudduudaha Kanada (CBSA) iyo Hay'adda Socdaalka iyo Qaxootiga – Qaybta Magangalyada Qaxootiga (IRB-RPD). Wawaana ka mid ah: cinwaan, nambar telefoon, nambar fakis (haddii ad leedadahay) iyo cinwaan iimeyl (email address, haddii ad leedadahay).

**Maalinta
15**

Maalinta ugu dambaysa in ad ugu gudbisid Foomka Xogta Dacwaddaada Qaxootinimo (BOC) Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD)

**Foomka Xogta Dacwaddayda Qaxootinimo (BOC)
maalinta ugu dambaysa inaan gudbiyo:**

Maalinta ugu dambaysa in ad ugu gudbisid liiska markhaatiyaashaada iyo dhammaan caddaymahaaga Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD)

**10 Maal mood
ka hor
dhagaysiga
dacwaddayda**

**Foomka Xogta Dacwaddayda Qaxootinimo (BOC)
maalinta ugu dambaysa inaan gudbiyo:**

Maxkamadda dhagaysiga dacwaddaada qaxootinimo (haddii ad ka timid waddan ammaana (DCO)

Taariikhda maxkamadda dhagaysiga dacwaddayda

**Maalinta
45
(qiyaastii)**

Ama

**Maalinta
60
(qiyaastii)**

Maxkamadda dhagaysiga dacwaddaada qaxootinimo (haddii aadan ka imaan waddan ammaana DCO)

Taariikhda maxkamadda dhagaysiga dacwaddayda

 Haddii ad joogtid Kanada gudeheeda,(oo an ahayn xudduudaha laga soo galoo) oo lagu xiro ka hor intaaad qaxootinimo ku dacwoon, waa inaad ku buuxisa maalin ama wax la mid ah gudeheed markii lagu xiray dhammaan foomamkaaga oo dhan. Taasi waxay adkaynaysaa inaad heshid qareen kaa caawiya buuxinta foomamka. Hay'adda Adeegyada Xudduudaha Kanada (CBSA) waxay ku siinaysaa foomamka iyo turjumaan.

Ha gafin ballanta maalinta ugu dambaysa ee Foomka Xogta Dacwaddaada Qaxootinimo (BOC) ama maxkamadda dacwaddaada!

Haddii ad gaftid ballanta, waxaad tagaysaa maxkamad khaas ah ee Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) halkaasoo ay dhici karto in dacwaddaada lagu go'aamiyo mid laga tanaasulay. Haddii dacwaddaada lagu go'aamiyo mid laga tanaasulay, waxay u badan tahay in waddankaagii lagugu celiyo, kuumana suurtoobi doonto in ad Kanada mar kale u dacwooto qaxootinimo. Marmarka qaarkood, dadka qaxootinimada u dacwoonayaa way ku qancin karaan Qaybta Magangalyada Qaxootiga (RPD) in dacwadda dib loo furo, haseyeeshee arrintaasu aad bay u adagtahay in la sameeyo. [Xusuusnow: Taariikhaha "maxkamadda khaaska ahi" (special hearing) waxay ku qoran yihiin "Ogeysiiska Ballanta Maxkamadda Dacwadda"(Notice to Appear for a Hearing), waa isla warqadda ay ku qoran tahay taariikhda dhagaysiga dacwaddaada qaxootinimo. Labada taariikhhood ha isku khaldin.]



Waxaan iska dhiibay (ama iska dhiibi doonaa) xafiiska Wasaaradda Socdaalka iyo Waddaninimada (CIC) ee gudaha Kanada.*

Inta aadan aadin xafiiska Wasaaradda Socdaalka iyo Waddaninimada Kanada (CIC):

- Kala soo bax foomamkaaga codsiga www.cic.gc.ca [raadi "qaxootinimo u dacwood (make refugee claim)"].
- Waxaa lagaa rabaa inaad buuxisid 5 iyo 7 foorn inta u dhhexaysa, taas oo ku xiran haddii ad leedahay qareen iyo inta xubnaha qoyskaagu ka kooban yahay. Xubin kasta oo qoyskaaga ah waa inaad buuxisid Foomka Xogta Dacwadda Qaxootinimo (BOC Form) iyo foomamka codsiga Wasaaradda Socdaalka iyo Waddaninimada Kanada (CIC application forms).
- Waxaad tagtaa xafiiska Wasaaradda Socdaalka iyo Waddaninimada Kanada (CIC) (Isnii ilaa Jimce, waxaana wanaagsan tobanka subaxnimo ka hor 10:00 am) si ad u dhiibtid foomamkaaga oo dhan, laguuna siyo taariikhda Waraysigaaga U Qalmidda qaxootinimo.

Xafiiska Wasaaradda Socdaalka iyo Waddaninimada(CIC) Winnipeg:

269 Main Street, Suite 400, Winnipeg, Manitoba, R3C 1B2

Saacadaha: Isnii ilaa Jimce, 8:00 am – 4:00 pm



Muhiim:
Haddii aadan wali bilaabin dacwaddaada qaxootinimo, hadda la xiriir Hay'adda Socdaalka Dadka Diimaha Kala Duwan ee Manitoba (MIIC)!

Hay'adda Socdaalka Dadka Diimaha Kala Duwan ee Manitoba (MIIC) waxay kaa caawin kartaa:

- In ad isu diyaarisid Waraysigaaga U Qalmidda Qaxootinimo
- In ad buuxisid foomamkaaga
- In ad ka codsatid Hay'adda Caawimaadda Sharciiga Manitoba (LAM) qareen ku matala maxkamadda dhagaysiga dacwaddaada qaxootinimo

**Maalinta
0**

- Dhammaystir Waraysigaaga U Qalmidda qaxootinimo. [Waxaad Wasaaradda Socdaalka iyo Waddaninimada Kanada (CIC) u dhiibti doontaa Foomamkaaga Dacwadda Qaxootinimo iyo Codsiga Wasaaradda Socdaalka iyo Waddaninimada Kanada (CIC) ka hor waraysigaaga u qalmidda qaxootinimo].
- Haddii laguu arko in ad u qalantid in ad u dacwootid qaxootinimo, waxaa lagu siin doonaa taariikhda dhagaysiga dacwaddaada qaxootinimo.

Maalinta ugu dambaysa in ad ugu soo gudbisid liiska markhaatiyaashaada iyo dhammaan qoraaladaada rasmiga ah Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD).

Maalinta ugu dambaysa qoraaladayda rasmiga ah:



**Maalinta
30
(qiyaastii)**

Maxkamadda dhagaysiga dacwaddaada qaxootinimo [haddii ad ka timid waddan ammaana (DCO)]

Taariikhda maxkamadda dhagaysiga dacwaddayda:



Ama

**Maalinta
60
(qiyaastii)**

Maxkamadda dhagaysiga dacwaddaada qaxootinimo [haddii aadan ka imaan waddan ammaana (DCO)]

Taariikhda maxkamadda dhagaysiga dacwaddayda:



Haddii maalinta ugu dambaysa in ad ku gudbisid Xogta Dacwaddaada Qaxootinimo (BOC) ay noqoto Sabti, Axad, ama maalin fasax ah, waxay isu baddalaysaa maalinta shaqo ee ku soo xigta. Tusaale ahaan, haddii Sabti, Mey 7deedu ay noqoto 10 maal mood ka hor maxkamadda dhagaysiga dacwaddaada, maalinta ugu dambaysa in ad ku gudbisid dacwaddaada waxay noqonaysaa Isniin, Mey 9keeda.

Waxaa dhici karta in dhagaysiga dacwaddaada dib loo dhigo haddii Hay'adda Adeegyada Xudduuda Kanada (CBSA) ay dhamaystiri kari waydo baaritaankaaga sugidda amniga inta ka horreysa taariikhda dhagaysiga dacwaddaada.

Qabsashada Qareen Sharci



Waa ra'yi (fikrad) aad u wanaagsan in ad leedahay qareen. Qeexidda ereyada sharciga qaxootigu waa adag yihiiin, soo uruurinta caddaymo wanaagsanina waa dhib badan tahay.

Qareenadu waxay kaala talin karaan macnaha ereyada sharciga ee "Qofka Qaxootiga Caadiga ah (Convention Refugee)" ama "Qof U Baahan Magangalyo (Person In Need of Protection)" iyo qaybaha macnaha ereyada adiga ku khuseeya. Waxay kaa caawin karaan in ad fahamtid qaybaha wixii dhib ku soo maray ku habboon muhiimna ay tahay in lagu daro ama qoro Foomkaaga Xogta Dacwadda Qaxootinimo (BOC Form). Waxay kaala talin karaan caddaymaha lagaa rabo in ad keentid si loogu xoojiyo dacwaddaada. Qareenku waxuu kaloo kaaga doodi karaa maxkamadda dhagaysiga dacwaddaada.

Isku day in ad heshid qareen inta aadan gudbin dacwaddaada magangalyo qaxootinimo. Haddii ad mar hore gudbisay dacwaddaadii, qareena adan haysan, aad ugu dadaal in ad qareen heshid. Xaqiiji in qareenkaaga la heli karo taariikhda maxkamadda dhagaysiga dacwaddaada.

Sida ugu dhakhsa badan ula xiriir Hay'adda Socdaalka Dadka Diimaha Kala Duwan ee Manitoba (MIIC) codsana caawimaad shari. Hay'adda Socdaalka Dadka Diimaha Kala Duwan ee Manitoba (MIIC) waxay kaa caawin kartaa in ay kula buuxiso foomka Xogta Dacwaddaada (Basis of Claim) iyo foomam kale oo loo baahan yahay marka loo dacwoonayo magangalyo qaxootinimo.

Marka ad gudbisid foomka Xogta Dacwaddaada (BOC) laguuna qabto taariikhda maxkamadda dacwaddaada qaxootinimo, waxaad qareen ka codsan kartaa Hay'adda Caawimaadda Sharciga Manitoba (LAM). Haddii Hay'adda Caawimaadda Sharciga Manitoba (LAM) ay go'aansato in aadan xaq u lahayn caawimaad shari sababtoo ah sheekada dacwaddaada qaxootinimo oo an qimo lahayn ama adan buuxin shuruuddii heerka baahida dhaqaale, go'aankaas rafcaan baad ka qaadan kartaa adoo u maraya nidaamka rafcaanka Hay'adda Caawimaadda Sharciga Manitoba (LAM).

Waxaad kaloo lacagtaada ku qabsan kartaa qareen ama la taliye arrimaha socdaalka. Haddii ad lacagtaada ku qabsatid qareen, iska hubi in qareenkaasu xubin shariya ka yahay Ururka Qareenada Manitoba. Waxaad qareenka xubin ahaantiisa sharci ka baari kartaa bogga internetka Ururka Qareenada Manitoba oo ah: www.lawsociety.mb.ca/lawyer-lookup ama Ururka Qareenada Manitoba ka wac telefoonka ah 204-942-5571. Haddii ad lacagtaada ku qabsatid la taliye arrimaha socdaalka, iska hubi inuu xubin shariya ka yahay Ururka Sharci Ilaalinta La Taliyayaasha Socdaalka Kanada (Immigration Consultants of Canada Regulatory Council). Waxaad la taliyaha maqaamkiisa sharci ka baari kartaa bogga internetka ah: secure.iccrc-crcic.ca/search-new/en adoo ku qoraya magaca la taliyaha.

Hay'adda Socdaalka Dadka Diimaha Kala Duwan ee Manitoba (Manitoba Interfaith Immigration Council)

Si ad u bilowdid nidaamka dacwadda qoxootinimada:
521 Bannatyne Avenue
Winnipeg, Manitoba, R3A 0E4
Telefoon: 204-977-1000

Hay'adda Caawimaadda Sharciga Manitoba (Legal Aid Manitoba)

Si ad u codsatid Caawimaad Sharci:
Application Centre
100–287 Broadway
Winnipeg, Manitoba, R3C 0R9
Telefoon: 204-985-8500
Telefoon Lacag La'aan ah: 1-800-261-2960




Wali qareen ma haysto, umana diyaarsani maxkamadda dhagaysiga dacwaddayda.
Dib ma u dhigi karaa taariikhda maxkamadda dhagaysiga dacwaddayda?

Hay'adda Socdaalka iyo Qaxootiga Kanada – Qaybta Magangalyada Qaxootigu (IRB-RPD) waxay kaa filaysaa in ad isu soo diyaarisid maxkamadda dacwaddaada taariikhda loo qorsheeyey. Haddii ay jiraan xaalado an caadi ahayn oo keenaya baahida in ad baddashid taariikhda maxkamadda dhagaysiga dacwaddaada, waxaad warqad ad ku weydiisanayso in maxkamadda dib laguugu dhigo u qori kartaa Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD). Haddii adan jawaabitii codsigaaga helin ka hor taariikhda maxkamadda, waa inaad tagtaa maxkamadda haddii kale waxaa loo qaadanayaan in ad ka noqotay dacwaddaadii (eeg bogga 40). Haddii ad qareen heshid ka dib markii lagu siyo taariikhda maxkamadda dacwaddaada, iska hubi in qareenku imaan karo taariikhda maxkamadda dhagaysiga dacwaddaada.



Xusuusnow, waxaan inuu yahay dacwaddaadii magangalyada qaxootinimo.
Haddii ad ka maqnaatid waqtigii laguu qabtay ee kama dambaysta ahaa,
dacwaddaada waxaa lagu go'aamin karaa mid laga tanaasulay (dacwad laga noqday). Xataa haddii ad qareen leedahay, waa inaad si firfircoona uga qaybqaadataa diyaarinta qoraalada rasmiga ah, uruurinta caddaymaha iyo markhaatiyada, iyo isu diyaarinta waraysiga maxkamadda.

Buuxinta Foomka Xogta Dacwaddaada (Basis of Claim Form)



Foomka Xogta Dacwaddaada Qaxootinimo (BOC Form) waa qoraalka rasmiga ah ee ugu muhiimsan ee dacwaddaada qaxootinimo. Foomka Dacwaddaada Qaxootinimo, waxaad si faahfaahsan ugu caddaynaysaa qofka ad tahay iyo sababaha ad u doonaysid magangalyada Kanada. Xubin ka mid ah Wasaaradda Socdaalka iyo Qaxootiga Kanada – Qaybta Magangalyada Qaxootiga (IRB-RPD) ayaa eegi doonta macluumaadka ama xogta ku qoran foomka Xogta Dacwaddaada Qaxootinimo (BOC Form), markhaati furkaagii iyo caddeymo kale si ay go'aan uga gaarto in ad tahay "Qof Qaxooti Caadi ah" (Convention Refugee) ama ad tahay "Qof Magangalyo U Baahan" (Person in Need of Protection). Maxkamadda dacwaddaada qaxootinimo waxaa su'aalo lagaa weydiin doonaa xogta ku qoran Foomka Xogta Dacwaddaada Qaxootinimo (BOC Form).

Hay'adda Socdaalka Dadka Diimaha Kala Duwan ee Manitoba (MIIC) waxay kaa caawin doontaa buuxinta Foomka Xogta Dacwaddaada Qaxootinimo (BOC Form) iyo foomamkaaga kale. Xogta (maclumaadka) ad ku qortid Foomka Xogta Dacwaddaada Qaxootinimo (BOC Form) waa inay noqotaa **sida ugu saxsan uguna dhamaystiran ee suurtagalkaa**. Haddii xog ku qoran qoraalo rasmiya oo kale – sida codsigaagii fiisaha (visa application) – ay ahayd khalad, arrintaas kala hadal qofka ku caawinaya ee Hay'adda Socdaalka Dadka Diimaha Kala

Duwan ee Manitoba (MIIC) ama qareenkaaga xogta saxda ahna ku qor Foomka Xogta Dacwaddaada Qaxootinimo (BOC Form).

Jawaabaha ha iska qiyaasin (malaynin). Haddii adan su'aal jawaabteeda aqoon, sheeg in adan aqoon. Haddii adan fahmin su'aal, macnaheeda weydii qareen ama qof shaqaalaha dajinta ah. Dacwaddaada qaxootinimo waa la diidi karaa haddii ad bixisid xog been ah ama marin habaabbin ah ama ad qarisid xog muhiim ah.

Marka ad buuxinaysid foomka Xogta Dacwaddaada Qaxootinimo (BOC), xusuusnow in ad:

- Akhrigid qaybaha buughagahaan lagu magacaabo "Qeexidda Ereyada Sharciga ah" (Legal Definitions) iyo "Arrimaha Sharciga" (Legal Issues). Qaybahaasu waxay kaa caawimayaan in ad fahamtid sida loo buuxinayo Foomka Xogta Dacwaddaada Qaxootinimo (BOC Form) (eeg bogoggaa 19–27).
- Af Ingiriis ama Faransiis ku buuxi Foomka Xogta Dacwaddaada Qaxootinimo (BOC Form). Haddii ay kugu adag yihiin in ad wax ku qorto luqadahaas, la xiriir hay'ad caawisa dadka qaxootinimada u dacwoonaya (eeg bogga 44). Si ad internetka ugala soo baxdid Foomka Xogta Dacwaddaada Qaxootinimo (BOC Form) booqo: www.irb-cisr.gc.ca oo raadi "Foomka Xogta Dacwadda".
- Ka jawaab su'aalaha oo dhan. Meel bannaana ha ka tagin. Haddii adan aqoon su'aal jawaabteed, ku qor "MA AQAAN".
- Ku qor "n/a" ("ima khusayso") haddii su'aali aysan ku khusayn.
- Faham su'aal kasta inta adan ka jawaabin.
- Jawaabahaaga si qurxoon u qor ama foomka kombiyutar ku buuxi.
- Su'aalaha si ad jawaab buuxda uga bixisid, haddii ay kugu filnaan weydo foomka meelaha ka bannaani, waxaad isticmaashaa warqada cadcad oo dheeraad ah.
- **Haddii ad xabsi ku jirtid, foomka ku qor in ad xiran tahay**, oo duruufaha xabsigu ay kugu adkeeyeen in ad foomka buuxisid. Hadalkaas ku qor bogga ugu dambeeya ee Foomka Xogta Dacwaddaada Qaxootinimo (BOC Form), booska saxiixaaga agtiisa.
- Haddii adan hubin taariikhaha ama maclumaad kale qaarkood, waa inaad irrintaas ku sheegtid Foomka Xogta Dacwaddaada Qaxootinimo (BOC Form). Waxaad sheegtaa taariikhda saxda ah oo kaliya haddii ad hubtid.
- Dib u eeg Foomka Xogta Dacwaddaada Qaxootinimo (BOC Form) inuu saxsan yahay, barbar dhigna foomamkaaga kale ee Wasaaradda Socdaalka iyo Waddaninimada Kanada (CIC) si ad u hubisid in xogta ad ku qortay foomamkaaga oo dhan isku mid tahay saxna tahay.
- Haddii uu turjumaan ku caawiyey, weydiiso in turjumaankaagu luqaddaada dib kuugu akhriyo Foomka Xogta Dacwaddaada Qaxootinimo (BOC Form).
- Weydiiso turjumaanka in uu saxiixo Foomka Xogta Dacwaddaada Qaxootinimo (BOC Form) bogga 10.



- Marka ad hubsatid in xogta ad foomka ku qortay saxsan tahay, saxiix caddaynta bogga 10 ee Foomka Xogta Dacwaddaada Qaxootinimo (BOC Form). Haddii adan haysan waqt kugu filan oo ad ku bixisid xog badan ama si taxadar leh dib ugu eegtid Foomka Dacwaddaada Qaxootinimo (BOC Form) inta adan saxixin, arrintaas ku qor Foomka Xogta Dacwaddaada Qaxootinimo (BOC Form).
- Xubin kasta oo qoyskaaga ah, una dacwoonaysa in Kanada siiso magangalyo qaxootinimo, u buuxi Foomka Dacwadda Qaxootinimo oo gooni ah.

Haddii adan haysan caawimaad dhanka sharciga:

- Haddii ay suurtagal tahay, lacagtaada ku qabso qareen ku shaqeeya sharciga qaxootiga oo dib kuugu eega foomka dacwadda.
- Dib u eeg Buughagaha Dadka Qaxootinimada U Dacwoonaya (Claimant's Guide) ku jira bogga internetka Hay'adda Socdaalka iyo Qaxootiga Kanada (IRB) wixii xog iyo tilmaan bixin dheeraad ah [booqo www.irb-cisr.gc.ca waxaadna raadisa "Buughagaha Dadka Qaxootinimada U Dacwoonaya" ("Claimant's Guide")].

Foomamka kalee codsiga:

Ka sokow Foomka Xogta Dacwaddaada Qaxootinimo (BOC Form), waxaa kaloo lagaa rabaa in ad buuxisid foomamka soo socda ee Wasaaradda Socdaalka iyo Waddaninimada Kanada (CIC):

- Liiska Hubinta Qoraalada Rasmiga ah (Document Checklist)
- Foomka Codsiga Guud ee Kanada (Generic Application Form for Canada)
- Ku-tiirsanyaasha Kale / Caddayn (Additional Dependents / Declaration)
- Lifaaq A – Taariikh Nololeed / Caddayn (Schedule A – Background / Declaration)
- Lifaaq 12 – Xog Dheeri ah – Dadka Qaxootinimo U Dacwoonaya Kanada Gudaheeda (Schedule 12 – Additional Information – Refugee Claimants Inside Canada)
- Adeegsiga Qareen (haddii ad qareen ama la taliye socdaal leedahay) [Use of a Representative (if you have a lawyer or immigration consultant)]

Haddii ad dacwaddaada qaxootinimo ka bilowday garoon dayuuradeed, dakad, ama xudduud dhulka la isaga gudbo, mar horaad buuxisay oo gudbisay foomamkaan codsiga intii ad la joogtay Hay'adda Adeegyada Xudduuda Kanada (CBSA).

Haddii ad dacwadda qaxootinimo ka bilaabaysid Kanada gudaheeda xafiiska Wasaaradda Socdaalka iyo Waddaninimada Kanada (CIC), waa inaad isku mar u dhiibtid Foomka Xogta Dacwaddaada Qaxootinimo (BOC Form) iyo foomamka Wasaaradda Socdaalka iyo Waddaninimada Kanada (CIC Forms). Ballanta waraysiga u qalmidda qaxootinimo kuuma qaban doonaan ilaa ay helaan foomamka dhammaantood. Ka raadso foomamka iyo tilmaan bixinta sida loo buuxiyo bogga internetka www.cic.gc.ca [raadi "xirmada codsiyaasha qaxootiga" ("refugee application package")].




Carruurtaya mid kasta miyaan u baahnahay in an u buuxiyo, gudbiyana Foomka Xogta Dacwadda Qaxootinimo (BOC Form)?

Carruurta 6 sano jirta ama ka yar oo waalidka kula dacwoonaya magangalyo qoxootinimo, waa in ay buuxiyan qaybaha 1a – 1g ee bogga 2 oo kaliya.

Foomka waa inuu saxiixo waalidka carruurtu ama qareen matala (eeg bogga 40). Carruurta 7 ilaa 17 sano jirta oo waalidka kula dacwoonaya magangalyo qaxootinimo, waa in ay buuxiyan Foomka Xogta Dacwadda Qaxootinimo (BOC Form) oo dhan. Foomka Xogta Dacwadda Qaxootinimo waa inuu saxiixo waalidka carruurtu ama qareen matala.

Gudbinta Foomka Xogta Dacwaddaada (BOC Form)



Inta adan gudbin si taxadar leh qareenkaagu dib ha kuula eego Foomka Xogta Dacwaddaada Qaxootinimo (BOC Form). Hubso inuu wada buuxo saxna yahay, fahamsan tahayna waxa ku qoran. Haddii ad kaligaa buuxinaysid Foomka Xogta Dacwaddaada Qaxootinimo (BOC Form), weydiiso qareen ama rugta la talinta sharciga ama qof ad ku kalsoon tahay in uu dib u eego foomka si ad u hubsatid in uu saxsan yahay kuna jiraan dhammaan xogihii muhiimka ahaa.

- Hubso in ad nuqul (koobi) kala harto Foomka Xogta Dacwaddaada Qaxootinimo (BOC Form), iyo dhammaan qoraalada rasmiga ah ama foomamka kale oo ad gudbisid.

Qaabka, goorta iyo halka ad u gudbinaysid Foomka Xogta Dacwaddaada Qaxootinimo (BOC Form) waxay ku xiran tahay halka ad ka bilowday dacwaddaada qaxootinimo.

A. Haddii ad dacwaddaada ka bilowday garoon diyaaradeed, xudduuda dhulka, ama dakad:


Waxaad haysataa 15 maalmood laga bilaabo maalinta lagu siyo Foomka Xogta Dacwaddaada Qaxootinimo (BOC Form) in ad ugu gudbisid Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD). Haddii maalinta kuugu dambaysaa ay noqoto sabti, axad, ama maalin fasaxa, waxay noqonaysaa maalinta shaqo ee ku xigta. Jadwalkaaga ka fiiri bogga 6.

1



Foomka Xogta Dacwaddaada Qaxootinimo (BOC Form) asalka ah oo ad buuxisay laba nuqlu ka sameyso.

2



Foomka Xogta Dacwaddaada Qaxootinimo (BOC Form) ee asalka ah iyo hal nuqlu ugu dir Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) boostada deg degga ah (courier). **Ha ku dirin Foomka Xogta Dacwaddaada Qaxootinimo (BOC Form) boostada caadiga ah (regular mail).** Haddii uu ka yar yahay 20 bog kulligiis, wawaad ku diri kartaa fakis (604-666-3043).

Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD)
300 West Georgia Street, Suite 1600
Vancouver, BC V6B 6C9

3



Hal nuqlu oo ah Foomka Dacwaddaada Qaxootinimo gasho galikaaga diiwaanka. Haddii ad Foomka Xogta Dacwaddaada Qaxootinimo (BOC Form) ku dirtid **boostada deg degga ah (courier)**, risiidka u hayso caddayn. Haddii ad Foomka Xogta Dacwaddaada Qaxootinimo (BOC Form) ku dirtid **fakis**, hayso warqadda sheegeysa in fakiskii si saxa u baxay.

?

Maxaa dhacayaa haddii an ku buuxin kari waayo waqtigii loogu tala galay Foomka Xogta Dacwaddaya Qaxootinimo (BOC Form)?


Foomka Xogta Dacwaddaada Qaxootinimo (BOC Form) haddii ad ku gudbin weydid waqtigii loogu tala galay xaalad deg deg ah awgeed, warqad u dir Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) ugu yaraan

3 maalmood oo shaqo ka hor intaan la gaarin maalinta ugu dambaysa ad ku weydiisanaysid waqtidheeri ah. Haddii adan jawaab helin, foomkaaga ku gudbi waqtigii hore ee loogu tala galay, xataa haddii uusan wada buuxsanayn. Raaci warqad u sharraxaysa Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) sababta ad ugu buuxin kari weyday waqtigii loogu tala galay.

B. Haddii ad dacwaddaada ka bilowdid xafiiska Wasaaradda Socdaalka iyo Waddaninimada Kanada (CIC) ee Kanada gudeheeda:

Haddii ad leedahay qareen, ha kula buuxiyo Foomka Xogta Dacwaddaada Qaxootinimo (BOC Form) iyo dhammaan codsiyada kale.

1



Foomka Xogta Dacwaddaada (BOC Form) asalka ah oo ad buuxisay laba nuql ka sameyso, dhammaan foomamka codsiyadaada Wasaaradda Socdaalka iyo Waddaninimada Kanadana (CIC) hal nuql ka sameyso.

2



Xafiiska Wasaaradda Socdaalka iyo Waddaninimada Kanada (CIC) waxaad u geysaa Foomka Xogta Dacwaddaada Qaxootinimo (BOC Form) asalka ah iyo hal nuql, foomamkaaga codsiyadaada Wasaaradda Socdaalka iyo Waddaninimada Kanada (CIC) asalka ah, iyo 4 masawir

oo xubin kasta oo qoyska ku jirta dacwaddaada qaxootinimo [ka eeg bogga 7 cinwaanka Wasaaradda Socdaalka iyo Waddaninimada Kanada (CIC)]. Tilmaamaha masawirada, booqo bogga internetka www.cic.gc.ca waxaadna raadisa "Lifaaq A: Sifooyinka Gaarkaa ee Masawirada" ("Appendix A: Photo Specifications"). Nuqlka Foomka Xogta Dacwaddaada Qaxootinimo (BOC Form) iyo foomamka cadsiga Wasaaradda Socdaalka iyo Waddaninimada Kanada (CIC) gasho galikaaga diiwaanka.

[Markaad gudbisid foomamkaaga, sarkaal ka tirsan Wasaaradda Socdaalka iyo Waddaninimada Kanada (CIC) ayaa kuu sheegi doona maalinta ad u soo laabanaysid Waraysiga U Qalmidda si loo go'aamiyo in ad u qalantid in ad qaxootinimo uga dacwootid Kanada iyo in kale. Marka lagu warysto, haddii sarkalku go'aamiyo in ad u qalantid, waxaa lagu siinayaas taariikhda maxkamadda dhagaysiga dacwaddaada qaxootinimo, Foomka Xogta Dacwaddaada Qaxootinimana (BOC Form) waxaa loo dirayaa Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD).]

3



Markaad foomamkaaga u gudbisid Wasaaradda Socdaalka iyo Waddaninimada Kanada (CIC), keen baasaboorkaaga ama warqad aqoonsi kalaa. Wasaaradda Socdaalka iyo Waddaninimada Kanada waxay kaa qaadaysaa aqoonsigii asalka ahaa, waxayna ku siinaysaa nuql.

Haddii ad haysatid qoraalo kaloo rasmi ah oo xoojinaya dacwaddaada markaana diyaar kuu ah, waxaad u tarjumtaa luuqadda ad u dooratay in maxkamadda dacwaddaada lagu qaado oo ah Af Ingiriis ama Af Faransiis (English or French). Saddex nuql ka samee qoraaladaada. Laba nuql Foomka Xogta Dacwaddaada (BOC Form) ugu la gudbi Wasaaradda Socdaalka iyo Waddaninimada Kanad (CIC). Hal nuqlna gasho galika diiwaankaaga. Xaqijii in qareenkaagu fursad u helo inuu dib u eego qoraalada rasmiga ah dhammaantood inta adan u gudbin Wasaaradda Socdaalka iyo Waddaninimada Kanada (CIC).

?

Maxaa dhacaya haddii an wax ka ilaaway ama wax ka khalday Foomka Xogta Dacwaddaya Qaxootinimo (BOC Form)?

- Waa in adiga ama qareenkaagu isla markiiba la xiriyo Hay'adda Socdaalka iyo Qaxootiga Kanada – Qaybta Magangalinta Qaxootiga (IRB-RPD)! Raac tallaaboyinkaan:
 - Nuqlkaaga Foomka Xogta Dacwaddaada (BOC Form) ku samee wixii ad baddalaysid, hoostana ka xarriiq, bog kasta oo ad wax ka baddashayna taariikhee, magacaagana ku saxiixna.
 - Warqad u qor ad ku sharraxsaysid sababta ad u samaysay baddalaadahan. Waxaad ku qortaa,

"Baddalaadahaanu waa dhan yihii, waa run, waana sax, waxaanan fahmayaa in caddayntaanu ay dhanka sharciga la culays iyo saamayn tahay sidii anoo dhaartay oo kale an sameeyey". Warqaddaada taariikhee saxiixna.

- Hal nuql oo ah foomka bogaggii asalka ahaa iyo bogaggii wax laga baddalay oo ay la socoto warqaddaadu u gudbi Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) ugu yaraan 10 maal mood ka hor maxkamadda dhagaysiga dacwaddaada.
- Hal nuqlna gasho galika diiwaankaaga.

Uruurinta Caddaymaha: Dulmar Kooban



Waa muhiim in ad soo uruurisid caddaymaha xoojinaya dacwaddaada qaxootinimo. Taasoo macnaheedu yahay in ad soo uruurisid qoraalo rasmi ah intii ad awoodi kartid oo muujinaya in ad runta ka sheegaysid wixii kaa qabsaday dalkaagii. Qoraaladaan rasmiga ahi waxay kaloo Xubinta Guddoonka Hay'adda Socdaalka iyo Qaxootiga Kanada – Qaypta Magangalyada Qaxootiga (IRB-RPD) ka caawimayaan in ay fahamto xaaladaha bini aadamnimo ee ka jira waddankaagii kuwaasoo khuseeya dacwaddaada. **Qoraalada rasmiga ah dhammaantood waa in loo turjumo Af Ingiriis ama Af Faransiis inta adan u gudbin Hay'adda Socdaalka iyo Qaxootiga Kanada – Qaypta Magangalyada Qaxootiga (IRB-RPD).**

Iminka ku dhaqaaq in ad uruurisid caddaymo xoojinaya dacwaddaada! Haddii ad qareen leedahay, weydii caddaymaha gaarka ah ee ad ugu baahan tahay dacwaddaada, qareenkana la socodsii hadba wixii qoraalo rasmi ah ee ad soo heshid. Xaqiji in ad qareenka siisid waqtii ku filan ee u dib ugu eego caddaymaha, turjumna caddaymaha.

Guud ahaan, waa in ad keento laba nooc oo ah caddaymo xoojinaya dacwaddaada.

1

Caddayn si gaar ah u khusaysa dacwaddaada:

a Caddaynta noocaan ah ee xoojinaya dacwaddaada waxay muujinaysaa in ad adigu khatar ku jirtid. Tusaale ahaan:

- Ma jiraan wax ah masawirro, warqado, fiidiyoyaal, iimeyllo, ama qoraalo kaloo rasmi ah oo muujinaya dhibaatooyinka ku soo gaaray? Kuwa keen!
- Ma ugu tagtay caawimaad booliska ama hay'ad kaloo dawladda ah? Keen warqaddii warbixinta booliska ama wax kaloo caddaynaya booqashadaadii.
- Ma heshay wax gargaar caafimaad ah? Keen warqadahaagii isbitaalka ama dhakhtarka.
- Ma jiraan maqaallo warbaahineed ku saabsan dad lug ku leh dacwaddaada? Kuwa keen!
- Ma jiraan dad goobjoog ka ahaa wixii kugu dhacay? Weydiiso in ay qoraan wixii dhacay, kuuna soo diraan. Haddii ay suurtagal tahay, dadkaa weydiiso in ay nootaayo (notary) ama qareen hortiis ku dhaartaan (caddeeyaan) in caddayntoodu run tahay.
- Ma jiraan dad soo maray dhibaatooyin la mid ah kuwii adiga kugu dhacay? Weydiiso in ay qoraal ku muujiyaan waxyabihii soo maray. Haddii ay suurtagal tahay, dadkaa weydiiso in ay nootaayo (notary) ama qareen hortiis ku dhaartaan (caddeeyaan) in caddayntoodu run tahay.
- Dacwaddaada qaxootinimo ma waxay ku salaysan tahay nooca diintaada mise xubinnimadaada xisbi siyaasadeed ama koox kale? Keen qoraalo rasmi ah oo muujinaya xubinnimadaada.
- Caafimaadka maskaxdaada wax ma soo gaareen waxyabihii kugu dhacay awgood? Warbixin ka keen dhakhtar ama dhakhtar cilmi-nafsi (psychologist) Kanada oo warbixin rasmi ah ka sameeya dhibaatooyinkaaga caafimaad. Waqtii dheer bay qaadan kartaa in ad heshid warbixinta, marka ballan samayo sida ugu dhakhsa badan ee suurtagalka ah. Haddii aysan suurtagal ahayn in ad warbixinta hesho ka hor dhagaysiga dacwaddaada, warqad u qor Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) ad ugu sheegaysid in ad ku hawllan tahay in ad heshid warbixin, dadaalada ad samaysay in ad warbixinta hesho dhagaysiga dacwadda ka hor, iyo taariikhda ad filayso in warbixintu diyaar noqoto. Weydiiso Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) in dacwadda dib laguugu dhigo inta ad warbixinta ka heleysid. Waxaa dhici karta in Hay'adda Socdaalka iyo Qaxootiga Kanada – Qaybta Magangalyada Qaxootigu ku tiraahdo waa inaad dhagaysiga dacwadda u gashaa taariikhdi laguu qabtay. Haddii ay sidaa noqoto, xaqiji in ad sharraxdid dhibaatooyinka caafimaad ee maskaxdaada marka la dhagaysanayo dacwaddaada, caddeena siyaabaha ay wax ugu dhimeen xusuustaada iyo awoddadaa ad ku sharraxaysid waxyabihii kugu soo dhacay.



Fiidiyoyaasha, rugaha internetka, ama qoraalada kaloo danabka ah (other electronic documents) miyaa loo baahan yahay in la turjumo?

Haa! Dhammaan caddaymaha ad heshid waa in loo turjumo Af Ingiriis ama Af Faransii. Fiidiyoyaasha waa in la qoraa. Turjumaaddu qaali bay noqon kartaa. Haddii adan awoodin in ad turjumto wax kasta, kuwa

ugu muhiimsan qoraalada ka dooro. Qoraal ugu sheeg Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) in ad haysid qoraalo kale oo adan awoodin in ad turjumto. U qaado maxkamadda dhagaysiga dacwadda, una sharrax Xubinta Guddoonka Maxkamadda waxa qoraalada ku yaal.



b Waxaad kaloo u baahan tahay warqado aqoonsi oo ad ku caddaysid waddaniyaddaada, kuna xoojisid caddaymahaaga sababta ad khatarfa ugu jirtid waddankaagii (eeg bogga 23 tusaale ahaan). Haddii ad warqadaha aqoonsiga heshid ka dib waraysigaaga u qalmidda qaxootinimo, waa inaad sida ugu dhakhso badan ugu dirtaa nuqlulada warqadahaaga aqoonsiga Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD).

2 Caddaymaha xaaladda xuquuqda aadanaha waddankaagii:

Caddaymaha noocaan ah waxaa ka mid ah warbixinada ila wareedyo lagu kalsoon yahay oo qoraal ku caddeeyey xadgudubyada xuquuqda aadanah , dhacdooyinka siyaasadda, iyo warar kaloo la xiriira dacwaddaada.

Tusaale ahaan:

- Qoraalada Warbixinada Waddamada ay Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) ka diyaarisay waddankaaga waxaad ka heli kartaa: www.irb-cisr.gc.ca [raadi "Qoraalada Warbixinada Waddamada (NDP)" doorana waddankaaga].

Qoraalada Warbixinada Waddamada (NDP) ee waddankaaga waxaa diyaariyey waaxda cilmi-baarista ee Hay'adda Socdaalka iyo Qaxootiga Kanada – Qabta Magangalinta Qaxootiga (IRB-RPD). Waxaa ku jira qoraalo ka hadlaya xaaladaha ka jira waddankaaga waxayna u kala qaybsan yihiin faracyo (qaybo). Akhriso qaybaha adiga ku khuseeya. Xubinta Guddoominaysa maxkamadda dhagaysiga dacwaddaadu waxay isticmaalaysaa macluumaadka ku jira qoraaladaan si ay uga caawiso in ay go'aan ka gaarto dacwaddaada. In badan oo Qoraalada Warbixinada Waddamada (NDP) ka mid ah waxaa dhici karta in la diyaariyey in ka badan sanad ka hor. Haddii ay suurtagal tahay, waa inaad keentid warbixinadii ugu dambeeyey.



- Warbixinadii ugu dambeeyey ee ururada xuquuqda aadanaha (sida Amnesty International, Human Rights Watch), warbixinada Qaramada Midoobay, warbixinada waddamada ee Wasaaradda Arrimaha Dibadda Maraykanka, maqaallada warbaahinta, ama fiidiyoyaasha muujinaya dhibaatooyinka xuquuqda aadanaha ka jira waddankaaga. Warbixinadaan qaarkood waxaa laga heli karaa Qoraalada Warbixinada Waddamada (NDP) an kor ku soo sheegnay, haseyeeshee waa inaad raadisid haddii ay jiraan warbixino ka sii dambeeyey. Waxaad kaloo ka heli kartaa xiriiriyeeyasha ([links](http://www.kinbrace.ca/rhp-guide/country-conditions)) warbixinada ku saabsan xaaladda waddankaagii halkan: www.kinbrace.ca/rhp-guide/country-conditions.
- Maqaalada iyo warbixinada ay qoreen wargeesyada iyo ururada xuquuqda aadanaha waddankaaga.




Maxaa dhacaya haddii an heli waayo qoraalada qaarkood ka hor maxkamadda dhagaysiga dacwaddayda?

Waa inaad maxkamadda ka caddeysaa sababta ad u heli weyday. Sharraax dadaalada ad samaysay (iimeyllada, warqadaha, boostada deg

deggah ah, telefoonada) iyo taariikhaha ad isku dayday in ad heshid. Maxkamaddaada keen nuqlulada iimaylada, warqadaha ama caddaymaha boostada deg degga ah.

Uruurinta Caddaymaha: Qeexidda Ereyada Sharciga



Si ad ugu guulaysatid maxkamadda dhagaysiga dacwaddaada, waa inaad keentid caddayn muujinaya in ad ka soo baxday qayb kasta oo ka mid ah qeexidda sharciga ee "Qaxootiga Caadiga ah" ("Convention Refugee") ama "Qof U Baahan Magangalyo" ("Person In Need of Protection") sida ku qeexan Xeerka Socdaalka iyo Magangalyada Qaxootiga (Immigration and Refugee Protection Act). Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) marka ay dacwaddaada qiiimaynayo waxay tixgalin doontaa qodobbada adiga ku khuseeya qeexidda sharciga. Haddii ad waddani ama daggane ka tahay in ka badan hal waddan, waa inaad muujisid in ad khatar ku galaysid waddan kasta. Bogogga soo socdaa waxay kaa caawimayaan in ad fahamtid qodobbada Xubinta Guddoonka Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) ay tixgalin doonto marka lagu jiro dhagaysiga dacwaddaada, iyo nooca caddaymaha lagaa rabo in ad u keentid qdob kastoo ku qeexan sharciga.

Tusaalayaasha caddaymaha, eeg bogogga 17, 18 iyo 23–27 ee BuugHagahaan.

Qeexidda "Qaxootiga Caadiga ah" ("Convention Refugee" Definition)

[Eeg Qaybta 96 ee Xeerka Socdaalka iyo Magangalyada Qaxootiga (Immigration and Refugee Protection Act)]


Si ad uga soo baxdid qeexidda "Qaxootiga Caadiga ah" ("Convention Refugee"), waa in ad muujisaa in ad ka soo baxday dhammaan lixda qaybood ee qeexidda hoose:

Ma ka soo
baxday
qaybaan
qeexidda?

Maxaad caddaymo keeni kartaa ad
ku muujinaysid in ad ka soo baxday
qaybaan qeexidda?

- 1** haddii an ku laabto waddankaygii, waxaa
aad u suurtagasha in an la kulmo ciqaab
(Qodobka Sharciga: Ciqaab),

Iyo



Eeg bogga 41


- 2** ciqaabtaasu waxay ku salaysan tahay:
sinjiyaddaya / diintaya / jinsiyaddaya /
ra'yigayga siyaasadeed / ama koox bulsho*
gaar ah oo an xubin ka ahay [Fiiro gaar ah:
Ereyga "koox bulsho" waxaa looga jeedaa
kooxo badan oo kala duwan, ayna ka mid yihii
kooxo ku salaysan jaadka qofka (lab/dheddig),
dookha galmaada, lixaadka oo dhimman,
qoyska, ururo shaqaale, iwm.],

Iyo



- 3** waxaan si dhab ah uga baqayaa in an ku
laabto waddankaygii (Qodobka Sharciga:
Cabsi shakhs),

Iyo



Eeg bogga 24

- 4** Waaan qiiil fiican u haystaa baqitaankayga
oo ku salaysan xaaladda ka jirta
waddankaygii,

Iyo



- 5** Dawladdayda oo an ammaankayga sugi karin
(Qodobka Sharciga: Nabadgalyada Waddanka),

Iyo



Eeg bogga 26

- 6** anan nabadgalyo ugu noolaan karin meel
kaloo ka mid ah waddanka ama aysan caqli
gal ii ahayn – qofka an ahay awgeed – in an
u guuro meel kaloo ka mid ah waddanka.
(Qodobka Sharciga: U Barakicid Meel Kaloo
Waddankaa).



Eeg bogga 26

***** Haddii ad tahay qof dumar ah waxaad
akhriisan kartaa xeerarka noocydada
dhibaatooyinka gaarka ah ee dumarku
la kulmo.

Xeerarka Hay'adda Qaxootiga Qaramada Midoobay
(UNHCR):
www.refworld.org/pdfid/3d36f1c64.pdf

Xeerarka Hay'adda Socdaalka iyo Qaxootiga Kanada
(IRB):
[www.irb-cisr.gc.ca/Eng/BoaCom/references/pol/
GuiDir/Pages/GuideDir04.aspx](http://www.irb-cisr.gc.ca/Eng/BoaCom/references/pol/GuiDir/Pages/GuideDir04.aspx)

Haddii ad tahay khaniis ama khaniisad ama qof
jinsigiisa baddalay, waxaad akhriisan kartaa xeerarka
Hay'adda Qaxootiga Qaramada Midoobay (UNHCR)
ku saabsan ciqaabaha ku salaysan dookha galmaada:
www.unhcr.org/509136ca9.pdf

Qeexidda "Qof Magangalyo U Baahan" ("Person in Need of Protection" Definition)


[Eeg Qaybta 97 ee Xeerka Socdaalka iyo Magangalyada Qaxootiga (Immigration and Refugee Protection Act)]

Si ad uga soo baxdid qeexidda "Qof Magangalyo U Baahan" ("Person in Need of Protection"), waa in ad muujisaa in ad ka soo baxday Qaybta 1 AMA 2 ee hoose:

Ma ka soo baxday qaybtaan qeexidda?

Maxaad caddaymo keeni kartaa ad ku muujinaysid in ad ka soo baxday qaybtaan qeexidda?

- 1 haddii an ku laabto waddankaygii, waxay u badan tahay in an la kulmo jirdil dawladda waddankaygu ii geysato.



AMA

- 2 haddii an ku laabto waddankaygii, waxay u badan tahay in naftaydu khatar gasho, ama la kulmo khatar ciqaab ama dhaqan xun oo arxan darro an caadina ahayn,




- lyo
a dawladdaya oo an ammaankayga sugi karin (Qodobka Shariciga: Nabadgalyada Waddanka), lyo



- b anan nabadgalyo ugu noolaan karin meel kaloo ka mid ah waddankayga ama aysan caqli gal ii ahayn – qofka an ahay awgeed – in an u guuro meel kaloo ka mid ah waddankayga
(Qodobka Shariciga: U Barakicid Meel Kaloo Waddankaa).



- lyo
c khatartaanu anigay gaar igu tahay ilamana wadaagaan dadweynaha guud ee waddankaygu
(Qodobka Shariciga: Khatar Guud), lyo




- d khatartaanu MA AHA sabab waddankaygu doonayo in uu igu ciqaabo xeer an jabiyeey kaasoo dambi ka ah Kanada
(Qodobka Shariciga: Cabsi Dambi Kusoo Oogid, ahayn Waxyellayn),
iyoo



- e khatartaanu MA AHA sabab daryeel caafimaad hooseeya waddankaygii awgeed.
(Magangalyo waad heli kartaa haddii ad muujisid in daryeel caafimaad laguu diiday takoorid awgeed.)



Uruurinta Caddaymaha: Arrimaha Sharciga



Arrimaha sharciga qaar ay dhici karto in lagu soo qaado maxkamadda dacwaddaada waxaa ka mid ah:

- Aqoonsiga
- Aaminaadda
- Cabsida Shakhsiyeed
- Khatarta Guud
- Nabadgalyada Waddanka
- U Barakaca Meela Kaloo Waddankaa
- Dagganaansho Sharci Waddan Kale

Mid kastoo arrimahaan sharciga ahi waxay ku xiran tahay qayb kaloo ka mid ah Qeexidda Sharciga ee "Qaxootiga Caadiga ah" ("Convention Refugee") ama "Qof U Baahan Magangalyo" ("Person in Need of Protection").

Bogogga soo socda, si taxadar leh u akhri sharraxaadda arrimahaan sharciga la xiriira. Arrin kasta hoosteeda ku qor waxyaabaha ad caddaymaha u soo uruuriinaysid si ad uga hadashid arrinkaas.

Qareen kala tasho arrimaha sharciga ugu muhiimsan dacwaddaada qaxootinimo.


Aqoonsiga (Identity)

Waa inaad tustid Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) in ad tahay qofka ad sheegatay in ad tahay. Taa waxaa ka mid ah aqoonsigaaga waddaninimo ama dagganaanshaha ee waddankaaga ama waddamada ad dagganayd. Waxaa kaloo ka mid noqon kara xiriir ad la leedahay diin ama beel gaar ah, xubin ad ka tahay urur xirfadlayaal, siyaasadeed ama shaqaale, dookhaaga galmo, ama xubin ad ka tahay koox kaloo bulsho. Haddii adan heli karin qoraalo caddaynaya meel ka mid ah aqoonsigaaga oo khusuya dacwaddaada, waa inaad sababta u sharraxdid maxkamadda dacwaddaada.

Waxaa dhici karta in lagu xiro haddii adan haysan warqado aqoonsi ama Hay'adda Adeegyada Xudduuda Kanada (CBSA) ay doonayso in ay xaqijiso in warqadahaaga aqoonsigu sax yihiin.

Tusaaleyaal caddaymo:

- Si ad u caddaysid in ad tahay waddani waddankii ad ka timid: baasaboor, kaarka aqoonsiga, kaarka aqoonsiga ciidamada, shahaado guur, waxbarashadii iskoolka
- Si ad u caddaysid xiriirkaaga diimeed: shahaadadii qaadashada diinta, warqad u soo qoray madaxa diintaadu (shiikha magaalada)
- Si ad u caddaysid xubinimadaada urur siyaasadeed ama xirfadlayaal: kaarka aqoonsiga, warqad u soo qoray ururku, waxbarashadii xirfaddii ad baratay, shahaadooyin
- Si ad u caddaysid dookhaaga galmada: warqad ay soo qortay koox bulsho, lammaanahaaga, ama xubin qoyskaaga ah. Markkhaatiyadaasu waa inay bixiyaan faalada ugu badan inta ay awoodaan si ay u muujiyaan sida ay ku ogaadeen in ad ka mid tahay kooxdan bulsho ee loo yaqaan LGBTQ



Caddaymahayga:

Aaminaadda

Waa inaad tusid Hay'adda Socdaalka iyo Qaxootiga Kanada – Qaypta Magangalyada Qaxootiga (IRB-RPD) in ad runta ka sheegaysid waxyaabihii ku soo maray. Si ay go'aan uga gaarto in ad runta sheegaysid iyo in kale, Hay'adda Socdaalka iyo Qaxootiga Kanada – Qaypta Magangalyada Qaxootigu (IRB-RPD) waxay isku fiirinaysaa xogta ad ku qortay Foomka Xogta Dacwaddaada Qaxootinimo (BOC Form), jawaabihii ad maxkamadda dacwaddaada ka bixisay, wararka wargeesyada iyo warbixinada hay'adaha xuquuqda aadanaha, iyo maragfurka markhaatiyaasha kale si ay u xaqijiyaan in ay isleeyihiin. Haddii ay jiraan wax is khilaafsan oo adan jawaab ku habboon ka bixin, waxaa dhici karta in Hay'adda Socdaalka iyo Qaxootiga Kanada – Qaypta Magangalyada Qaxootigu (IRB-RPD) ay go'aansato in adan ahayn qof la aamini karo. Run sheegiddaada waxaad ku xoojin kartaa adoo soo uruurinaya qoraalo caddaynaya in dacwaddaada xoga gaara oo ku jiraa ay run yihiin. Wixaase nasiib darraa, in ay badanaaba nagu adagtahay xusuusta faalada, wixii na soo maray iyo wixii dadka kale soo maray. Haddii ad dad kale weydiisatid

in ay kuu markhaati furaan maxkamadda, u sharrax sababta maragfurkoodu u khuseeyo dacwaddaada. U sharrax in Xubinta Guddoonka Hay'adda Socdaalka iyo Qaxootiga – Qaypta Magangalyada Qaxootigu (IRB-RPD) ay go'aan ka gaarayso in ay yihiin dad la rumaysan karo, taasoo ku salaysan in maragfurkoodii ay ku dhex jiraan wax isdhaafsan ama ay jiraan wax isdhaafsan maragfurkoodii iyo kaagii.



Tusaaleyaal caddaymo:

- Warbixinada waddankaajii muujinaya dhibaatooyinka xuquuqda aadanaha ka jirta oo la mid ah ama caddaynaya kuwa ad dacwaddaada ku sheegtay
- Warbixinada daawo/isbitaal ama warqadaha lacag bixinta
- Warbixinada booliska
- Masawirro muujinaya dhaawacyo kugu yaal
- Qoraalo ay sameeyeen markhaatiyal dhaartay
- Warqad u qoray dhakhtarkaaga Kanada oo muujinaya daqarro ama dhaawacyo

Caddaymahayga:



Cabsida Shakhsiyeed

Si ad uga soo baxdid qeexidda sharciga ee "Qaxootiga Caadiga ah" ("Convention Refugee") waa in ad muujisid in ay jirto cabsi dhab ah oo waxyeello laguugo geysanayo waddankii ad ka timid. Si ay go'aan uga gaarto in cabsidaadu tahay mid run ah, Hay'adda Socdaalka iyo Qaxootiga Kanada – Qaypta Magangalyada Qaxootigu (IRB-RPD) waxay ku weydiinaysaa su'aalahaan oo kale:

a. Ma ku laabatay waddankaagii ad ka cabsanaysid in waxyeello laguugo geysto markii ad ka tagtay ka bacdi?

(Qodobka Sharciga: Dib Uga Faa'iidaysi)



b. Ma soo martay waddan kaloo ammaan ah (sida Maraykanka) intii ad Kanada ku soo socotay, laakiin adan qaxootinimo uga dacwoon?

(Qodobka Sharciga:
An Ka Dacwoon Meel Kale)

c. Ka dib markii waxyeelada laguugo geystay waddankaagii, ma sii joogtay waddankaagii inkastoo ad haysatay furad ad kaga tagi kartay si ka sii dhakhso badan?

(Qodobka Sharciga: Dib U Dhac Bixitaan)

d. Markii ad Kanada timid, ma muddaad sugtay inta adan u dacwoon qaxootinimo?

(Qodobka Sharciga: Dib U Dhac Dacwad)

Haddii jawaabtaada su'aalahaan midkood ay tahay "haa", waxay u badan tahay in maxkamaddaada lagu wediyo in ad sababta sharraxdid. Uruurso caddaymo ad ku xoojisid sharraxaaddaada. Ka fakar sidii ad u sharraxi lahayd go'aamadii ad qaadatay. U diyaargarow in ad u sharraxdid Xubinta Guddoonka sababta adan isla markiiba uga bixin waddankaagii

ama sababta adan isla markiiba ugu dacwoon magangalyo qaxootinimo. Ma waxaad ka raja qabtay in xaaladda waddankaagu isbaddasho? Maxay ahaayeen dhibaatooyinka ad la kulantay si ad uga baxdid waddankaagii? Maxaad dacwaddaada u samayn weyday isla markii ad timid?

Caddaymahayga:



Khatarta Guud

Waa in ad muujisid in khatarta ad ku sugar tahay ay adiga gaar kugu tahay oo aysan la mid ahayn khatarta guud ee dadka kaloo dhan haysata. Taasoo macnaheedu yahay haddii ad ka timid waddan ay ku badan yihii rabshaduhu, waxaa lagaa rabaa in ad muujisid sababta adiga, shakhsian, ad khatarta ugu sugar tahay.

Haddii ad ka timid waddan uu ka socdo dagaal sokeeye, waa in ad akhrisataa xeerkala Hay'adda Socdaalka iyo Qaxootiga Kanada (IRB) ee ka hadlaya shacabka ka baqaya in waxyeello loogu geysto xaaladaha dagaalka sokeeye: www.irb-cisr.gc.ca (raadi "shacab ku sugar halis waxyeello"), si ad u fahamtid sidii ad u muujin lahayd in ad u qalantid magangalyo marka lagu jiro xaalad ay dad badani khatar ku sugar yihiiin.

Haddii ad ka baqaysid waxyeello ay kuu geystaan mooryaan dambiliyaa ah, waxaad u baahan tahay in ad akhrisato Hay'adda Qaxootiga Qaramada Midoobay (UNHCR) "Xeerarkeeda Sheegaya Dacwooyinka Qaxootiga Khuseeya Dhibbaneyaasha Dambiyada Abaabulan": www.refworld.org (raadi "dacwooyinka qaxootiga dhibbaneyaasha dambiyada abaabulan").

Tusaalayaal caddaymo:

- Qoraallo ama farriimo telefoon laguugu duubay ad heshay oo ay ku jiraan hanjabaado waxyeello laguugu geysanayo
- Caddaymo qoraallo lagu dhaartay oo saaxibbo ama markhaatiyaal kale caddaynayaan in adiga, ama dadka kaloo ku sugar xaaladdaada oo kale, ay noqdeen dhibbaneyaal waxyeello
- Masawirro muujinaya dhaawacyo laguu geystay, warbixino dhakhtar caddaynaya in waddankaagii lagugu daweeeyey, warbixino booliska waddankaagii
- Caddaymo qoraallo ama maqal iyo muuqaal ah oo ad ku muujinaysid in ad naftaada khatar ugu sugar tahay.



Caddaymahayga:



Nabadgalyada Waddanka

Waa in ad u muujisid Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) in dawladdaadu aysan awoodin ama aysan ku badbaadinayn. Hay'adda Socdaalka iyo Qaxootiga Kanada – Qaybta Magangalyada Qaxootigu (IRB-RPD) waxay u qaadanaysaa in dawladdaadu ku badbaadin karto haddii adan lidkeeda keenin caddayn ay ku qancaan.

Haddii ad isku day'day in dawladda waddankaagu ku badbaadiso haseyeeshee adan ka helin:

- Sharraax waxyaabihii dhab ahaan ad samaysay iyo sida dawladdu uga jawaabtay
- Isku day in ad heshid qoraallo muujinaya in ad raadsatay badbaadin
- Isku day in ad warbixino ka heshid waddankaagii muujinaya in aysan dawladdu

awoodin ama aysan badbaadinay dadka ku sugar xaaladdaada

Haddii adan badbaado ka raadsan dawladda waddankaagii:

- Waa inaad sharraxdaa sababta adna keentid qoraallo caddaynaya in aysan caqligal ahayn in ad raadsato

Tusaalayaal caddaymo:

- Warbixino waddankaaga muujinaya in aysan jirin badbaado boolis iyo musuqmaasuq
- Warbixino ad booliska u gudbisay
- Caddaymo qoraallo lagu dhaartay oo ay sameeyeen dad ku sugar xaaladdaada oo kale dawladduna aysan badbaadin



Caddaymahayga:



U Barakaca Meela Kaloo Waddankaa

Haddii Hay'adda Socdaalka iyo Qaxootiga Kanada – Qaybta Magangalyada Qaxootigu (IRB-RPD) go'aansato in ay macquul tahay in ad ku noolaan kartid meel kaloo waddankaagii ka mid ah, dacwaddaada lama ogolaanayo. Haddii arrinkan lagu soo qaado maxkamaddaada, Hay'adda Socdaalka iyo Qaxootiga Kanada – Qaybta Magangalyada Qaxootigu (IRB-RPD) waxay kuu sheegi doontaa gobolka gaarka ah ee ay rumaysan yihiin in ad si nabadgalyaa ugu noolaan kartid. Waxaa lagaa rabaa in ad keentid caddayn muujinaysa:

- a. In adan si nabadgalyaa ugu noolaan karin gobolkaa kale, ama

b. In aysan caqli gal kuu ahayn in ad isku daydid in ad ku noolaato gobolkaa kale (marka la eego da'daada, lab ama dhaddig ahaantaada, ama xaaladdaada gaarka ah, ama

c. In aysan jirin si ad ku tagi kartid gobolkaa kale, sababtoo ah waxaan loo tagi karin sabab: dagaal, musiibo dabiici ah, ama sabab kale.

Tusaalayaal Caddaymo:

- Qoraallo muujinaya in ad isku day'day in ad dhibaatada ka cararto adoo aadaya meel kaloo ka mid ah waddankaagii
- Warbixino muujinaya in dhibaatada ku haysataa ay ka jirto waddanka oo dhan. Tusaale ahaan, dadka doonaya in ay ku waxyeleeyaan ay ka hawlgalan waddankoo dhan, ama takoorka ad ka baqaysid uu ka jiro waddankoo dhan

- Warbixino waddankaagii muujinaya sababta qofkii adiga kula mid ah ay ugu adag tahay in uu ku noolaado meel kaloo ka mid ah waddankaaga. Tusaale ahaan, warbixino sharraxka dhaqanka waddankaagii oo



Xusuus: Kuma filna in ad tiraahdid in adan qofna ka aqoon gobol kaloo ka mid ah waddankaagii, ama adan shaqo ku haysan meeshaas. Ugu dambayntii, in badan oo dadka u dacwoonaya qaxootiga cidna kama yaqaanaan, shaqana kama haystaan Kanada marka ay yimaadaan. Waa inaad keentid sabab ka wanaagsan tan.



Caddaymahayga:



Haddii ad sharci waddani amd dagganaansho ah ku leedahay hal waddan in ka badan, waa in ad muujisid in ad khatar uga jirtid mid walba. Kanada waxay ku magangalinaysaa oo kaliya haddii ad ka soo baxdid shariyada lagu qeexay qofka qaxootiga caadiga ah ama qof magangalyo u baahan ee waddan kasta ee ad xaq u leedahay in ad ku noolaatid. Kanada haddii ay ogaato in ad khatar uga jirtid hal waddan, haseyeeshee ad si nabadgalya ah ugu noolaan kartid waddan kale, dacwaddaada xaxootinimo waa la diidayaa.

Tusaalayaal caddaymo:

- Haddii ad xaq u leedahay in ad ku noolaatid hal waddan in ka badan, waxaa dhici karta in ad khatarro isku mid ah ama kala duwan uga jirtid waddan kasta. Ka fakar nooca khatarta ad uga jirtid waddan walba, keenna intii caddaymo ad awoodid ee khatartaa.


muujinaya sababta ay ugu adag tahay qofkii adiga kula mid ah in uu u guuro gobol kale. Wuxaad kaloo muujin kartaa in meesha ay saamaysay dagaal sokeeye ama musiibbo dabiici ah ama dhibaatooyin kaloo adag.

- Waxaa dhici karta in Hay'adda Socdaalka iyo Qaxootiga Kanada – Qaybta Magangalyada Qaxootigu (IRB-RPD) ay aaminsan tahay in ad xaq u leedahay in ad ku noolaatid waddan kale, haseyeeshee adigu adan rumaysnayn in arrintaasu sax tahay. Haddii ad lahaan jirtay sharci waddani ama dagganaansho ee waddan kale haseyeeshee ad dhumisay xuquuqdaas, u keen Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) caddayn qoraala oo ad ka keentay dawladda waddankaas oo muujinaya in adan xaq dambe u lahayn in ad ku noolaatid halkaas.
- Haddii ad ku dhalatay waddan, haseyeeshee adan waligaa qaadan dhalashada waddankaas, Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) u keen nuqlu ah sharciga dhalashada waddankaas. (Badanaaba waxaad ka heli kartaa internetka.)



Caddaymahayga:

Gudbinta Caddaymahaaga



Dhammaan caddaymahaaga waa inaad u turjumtid Af Ingiriis ama Af Faransiis, una gudbisid Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) ugu yaraan 10 MAALMOOD ka hor maxkamadda dhagaysiga dacwaddaada. Haddii ad qareen leedahay, asagaa kuu gudbinaya caddaymaha. Xaqiji in ad qareenka siisid waqtii ku filan oo u dib ugu fiiriyoo caddaymaha una turjumo inta an la gaarin maalinta ugu dambaysa in loogu gudbiyo Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD). Haddii adan qareen lahayn, raac tallaabooyinka 1–10 ee bogga soo socda.

Waa in ad siisid Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) magacyada markhaatiyaashaada 10 maalmood ka hor maxkamadda dacwaddaada. Fadlan ka eeg bogogga 34 iyo 37 wixii macluumaaad dheeri ah ee markhaatiyaasha.

Ha gafin maalintan kama dambaysta ah!

Si ad u gudbisid caddaymaha iyo qoraalada xoojinaya dacwaddaada, raac tallaabooinkaan:

1 Caddaymahaaga iyo qoraaladaada u turjum Af Ingiris ama Af Faransiis. Qoraal walba raaci Caddaynta turjumaanka oo ay ku jiraan:

- Magaca iyo saxiixa turjumaanka
- Afka asalka ah iyo lahjadda
- Caddaynta turjumaanka in turjumiddu sax tahay

2 Caddaymahaaga ku daabac, iskaangaree, ama masawir warqadaha caadiga ah oo cabbirkoodu yahay 8.5 x 11 inji (8.5 x 11 inch, letter-size paper). Caddaymaha teeb ama kombiyuutar lagu qoray waa in cabbirka farty tahay ugu yaraan 12 foonti (size 12 font).

3 Caddaymahaaga isku gee (si ad uga dhigtid hal caddayn oo weyn) bogoggana nambarro u yeel ad ka bilowday kow ilaa dhammaad (1, 2, 3, 4, 5, ...).

4 Wuxuu ku dartaa bog kore oo ad ku qortay magacaaga iyo cinwaankaaga, taariikhda, nambarka galka dacwaddaada ee Hay'adda Socdaalka iyo Qaxootiga Kanada – Qayta Magangalyada Qaxootiga (your IRB-RPD file number), liiska dhammaan caddaymahaaga iyo nambarada bogaggooda.

5 Xirmada caddaymahaaga wuxuu ka samaysaa laba nuql [midna u gudbi Hay'adda Socdaalka iyo Qaxootiga Kanada – Qayta Magangalyada Qaxootiga (IRB-RPD), midna adigu gasho galka diiwaankaaga].

6 Haddii Qareenka Wasiirku (wakiilka Wasaaradda Socdaalka iyo Qaxootiga Kanada ama Hay'adda Adeegyada Xudduuda Kanada) u ka qaybqaadanayo maxkamadda dacwaddaada, waa in ad asagana xirmada caddaymahaaga hal nuql u samaysid. Waa laguu sheegayaa haddii Qareenka Wasiirku ka qaybqaadanayo maxkamadda dacwaddaada, sababtoo ah waxay kuu soo diri doonaan ogeysiis ugu yaraan 10 maalmood ka hor maxkamadda.

7 Hal nuql oo ah xirmada caddaymahaaga wuxuu ku qoran yahay Ogeysiiska Faragalinta (Notice of Intervention) oo Wasiirku kuu soo dirayo. Sidoo kale, warqad u dir Hay'adda Socdaalka iyo Qaxootiga Kanada – Qayta Magangalyada Qaxootiga (IRB-RPD) ad ugu sheegaysid in ad hal nuql oo ah caddaymahaaga u dirtay Hay'adda Adeegyada Xudduuda Kanada (CBSA) ama Wasaaradda Socdaalka iyo Waddananimada Kanada(CIC).

– Qayta Magangalyada Qaxootiga (IRB-RPD) ugu dirlaa boostada deg degga ah (courier). Haddii ad go'aansatid in ad ku dirlid boostada caadiga ah, xaqijiin in ad xirmada caddaymahaaga ku dirlid ugu yaraan 17 maalmood ka hor maxkamadda dacwaddaada si ad u hubsatid waqtiga ay ku gaarayso. Xirmada caddaymahaaga waa in ay ku hesho Hay'adda Socdaalka iyo Qaxootiga – Qayta Magangalyada Qaxootigu (IRB-RPD) 10 maalmood ka hor maxkamadda dacwaddaada. Haddii caddaymahaagu ay ka yar yihiin 20 bog, waxaad ku diri kartaa fakis.

IRB-RPD

300 West Georgia Street, Suite 1600

Vancouver, BC V6B 6C9

Telefoon: 1-866-787-7472 Fakis: 604-666-3043

Istiin ilaa Jimce 8:00 am – 4:00 pm

8 Haddii ad caddaymahaaga ku dirlid boostada deg degga ah, warqadda ad ku dirtay caddayn u hayso. Haddii ad ku dirtay fakis, hayso warqadda caddaynaya in fakiskii si sax ah u dirmay.

9 Haddii Qareenka Wasiirku ka qaybqaadanayo maxkamadda dacwaddaada, hal nuql oo ah xirmada caddaymahaaga u dir Hay'adda Adeegyada Xudduuda Kanada (CBSA) ama Wasaaradda Socdaalka iyo Waddananimada Kanada (CIC) (hadba kan ka soo qaybgalaya maxkamadda dacwaddaada). Cinwaanka Hay'adda Adeegyada Xudduuda Kanada iyo Wasaaradda Socdaalka iyo Qaxootiga Kanada wuxuu ku qoran yahay Ogeysiiska Faragalinta (Notice of Intervention) oo Wasiirku kuu soo dirayo. Sidoo kale, warqad u dir Hay'adda Socdaalka iyo Qaxootiga Kanada – Qayta Magangalyada Qaxootiga (IRB-RPD) ad ugu sheegaysid in ad hal nuql oo ah caddaymahaaga u dirtay Hay'adda Adeegyada Xudduuda Kanada (CBSA) ama Wasaaradda Socdaalka iyo Waddananimada Kanada(CIC).

10 Dhammaan qoraalada iyo caddaymaha dacwaddaada la xiriira, oo ay ku jiraan asalkii iyo nuqullandii, keen maxkamadda dacwaddaada.

? **Ma waxaan u baahnahay in turjumaan la sharchiyeeyay uu turjumo qoraallada caddaymahaaya?**

Turjumaanada sharchiyeysan baa ugu fiican, haseyeeshee khasab ma aha. Haddii adan iska bixin karin turjumaan sharchiyeysan, waxaad heli kartaa in qof kaloo ad ku kalsoon tahay uu kuu turjumo caddaymahaaga (sida wanaagsanna an ahayn ehelkaaga). Qofkaasu waa inuu waliba saxiixa caddaynta turjumaanka.

? **Maxaa dhacaya haddii an heli waayo warqad muhiim ah ilaa maalinta ugu dambaysa caddaymahaaya ka dib ama maxkamadda dacwaddaya ka dib?**

Warqad u qor Hay'adda Socdaalka iyo Qaxootiga Kanada – Qayta Magangalyada Qaxootiga (IRB-RPD) una sheeg. Marka ad warqaddaas heshid, sida ugu dhakso badan ugu gudbi. Sharraax sababta ay warqaddaasi muhiimka ugu leedahay dacwaddaada iyo dadaalka ad u gashay in ad ku heshid waqtigii la rabay.

Dhawridda Caafimaadkaaga Intaad Isu Diyaarinaysid Maxkamadda Dacwaddaada

“ Maxkamadda dacwaddayda ka hor aad baan u walwalay waana seexan waayey. Sugitaanku wuxuu ahaa mid culays iyo kadeed badan. ”

– Saman, qof qaxooti u dacwooday mar hore



Dadka badankooda, waqtiga ka horreya maxkamadda dacwaddoodu aad buu u dhib badan yahay. Fiiri waxa ay qaxootigaan horee kale ay sameeyeen si ay caafimaadkooda u dhawraan.

"Waxaan isku dayey in an isdajyo oo iskulaa hadlo in an guulaysan doono."

-Ahmed

"Waxaan isku dayey in an xusuusto inta awoodddayda ah waxyaabihii igu soo dhacay. Mar walboo an isku sii dayo in an wax xusuusto, waxaa igu soo dhacayey xusuuso dheeraad ah."

-Benoit

"Waxaan qoyskayga kula hadlay SKYPE."

-Mohamed

"Waxaan aaday dabaal iyo noocya kaloo jimicsi ah"

-Victoria

"Qolkaygaan ka baxay. Waa kaligay wax an ku madadaashana ma leh, waxaan aad uga fakaray dacwaddayda markaan kaligay ahaa."

-Hanna

"Waxaan helay shaqo iskaa wax u qabso ah, taasaana mashquul iga dhigtay iyo inaan caadi noqdo."

-Tesfaye

"Waxaan mala awaalay anoo dhex fadhiya qolka maxkamadda dacwaddayda, oo ka jawaabaya su'aalaha adag."

-Maria

"Tukasho joogta ah ayaa iga caawisay inaan dago."

-Chen Jin Yi

"Waxaan dhagaysan jiray heeso, buugaagna waan akhrisan jiray."

-Medin

"Waxaan aad uga shaqayn jiray dacwaddayda anoo soo uruurinaya caddaymo intii suurtagal ah. Taasaa waxay iga dhigtay in an dareemo in an shaqo waxtar leh qabanayo."

-Claude

"Waxaan isku dayey in an is mashquuliyo. Waxaan qaataay xiisado Af Ingiriis ah waxaan aaday xarunta bulshada."

-Dawit

"Waxaan baaray baraha internetka (websites) waxaan helay macluumaad iyo xogo ku saabsan nadaamka maxkamadda dacwadda qaxootiga."

-Jagathragavan

"Markaan soconayo, waxaan ku celcelin jiray sidaan su'aalaha uga jawaabi laaha."

-Sara

 Waxyaabaha an sameeyo si an caafimaadkayga u dhawro:

Maalinta Maxkamadda Dacwaddaada

Maxkamadda dacwaddaadu waa dhacdada ugu muhiimsan nadaamka (habka / qaabka) dacwaddaada qaxootinimo. Waxaa dhici karta in ad su'aala badan qabtid inta ad isu diyaarinaysid maalinta maxkamadda dacwaddaada.

Xaggee maxkamadda dacwaddayda lagu qabanaya?

Hay'adda Socdaalka iyo Qaxootiga Kanada – Qaypta Magangalyada Qaxootiga (Immigration and Refugee Board – Refugee Protection Division)
269 Main Street, Victory Building, 7th Floor
Winnipeg, Manitoba

Goorma ayaa la iga rabaa in imaado?

Ugu yaraan 15–30 daqiqo ka hor waqtigii loo qabtay maxkamadda dacwaddaada. Taasu waxay waqtii kuu siinaysaa in ad heshid qolka maxkamaddu ka dhacayso, ad kula hadashid turjumaanka si ad u hubsatid in ad is fahmaysaan, ad musquusha ku gashid, adiguna isu diyaarisid. Haddii ad wadatid goob joogayaal ama markhaatiyaal, waa inay yimaadaan ugu yaraan 15 daqiqo ka hor waqtiga maxkamadda.

Yaa ka soo qaybgalaya maxkamadda dacwaddayda?



Xubinta Guddoonka (uga qaybgalayaa maqal iyo muuqaal ahaan)

(Kaalinta / Doorka: Go'aanka ayuu gaaraa)

Goob Joogayaasha

Waxaad u yeeri kartaa saaxiib ama xubin qoyskaaga ah. Wakiilka Hay'adda Qaxootiga Qaramada Midoobay (UNHCR) baa imaan kara maxkamadda dacwaddaada

Qareenka (Wakiilka) Wasiirka

Qof wakiil ka ah Hay'adda Adeegyada Xudduuda Kanada (CBSA) ama Wasaaradda Socdaalka iyo Waddananimada Kanada (CIC) ayaa mararka qaarkood yimaada. Hadduu imaanaayo, way ku sii sheegayaan maxkamadda dacwaddaada ka hor. (Kaalinta / Doorka: Adiga ayuu kugu doodayaa)

Turjumaanka

Ayaa jooga haddii loo baahan yahay (Kaalint / Door: Dhedhexaad)

Qareenkaaga

(Kaalint / Door: Adiga ayuu kuu doodayaa. Eeg bogga 9 haddii adan lahayn qareen.)

Adiga

**Intee bay maxkamadda
dacwaddaydu soconaysaa?**

**Maxaa dhacaya maxkamadda
dacwaddayda?**

Badanaaba qiyaas ahaan 3.5 saacadood. Haddii dacwaddaada lagula dhagaysanayo xubna kaloo ka mid ah qoyskaaga ama ad qabtid baahiyio gaar ah, waxay qaadan kartaa maalin dhan.

1. Hordhacyo: Xubinta Guddoonku waxay ku dhuuwaqaysaa (soo dhoweynaysaa) qof kasta oo jooga qolka, waxayna kuu sharraxsaysaa qaabka maxkamaddu u dhacayso. Waxaa lagu weydiinayaa in ad ku dhuuwaqdid (dhaaratiid) in ad runta sheegaysid. Haddii ad doonaysid in ad ku dhaaratiid Kitaabka diintaada, qolka maxkamadda keen hal kitaab.
2. Liiska Bandhigya (tusmooyinka): Xubinta Guddoonku waxay siin doontaa Nambar Bandhig (tusmo) qoraal kasta oo caddayn ad ugu gudbisay. Xaqiji in ad nuqlu ka haysatid caddayn kasta oo liiska bandhingga (tusmada) ku jirta, weydisana Xubinta Guddoonka caddayn kasta oo adan nuqlu ka haysan. Xubinta Guddoonku waxay kaloo fiirinaysaa qoraalka caddaymaha asalka ah ee ad maxkamadda keentid.
3. Su'aalaha (wareysiga): Xubinta Guddoonka, Qareenka Wasiirka (haddii u joogo), iyo qareenkaaga (haddii ad qareen leedahay) waxay su'aalo kaa weydiin doonaan taariikh nololeedkaaga, qoraalada caddaymahaaga iyo arrimaha sharciga ee muhiimka u ah dacwaddaada.
4. Markhaatiyaasha: Haddii ad markhaatiyo leedahay, waxay hadli doonaan marka ku xigta. Markhaatiyadu waxay joogi doonaan bananka qolka maxkamadda ilaa laga gaaro waqtigii ay furi lahaayeen maragooda (eeg bogga 34).
5. Faallooyin: Dhammaadka maxkamadda dacwaddaada, Xubinta Guddoonku waxay fursad siin doontaa qareenkaaga ama adiga si ad afkiina ugu sharraxdaan sababta ad u rumaysan tiihiin in caddaymuhi muujinayaan in ad ka soo baxday shuruudihii qeexidda "qaxootiga Caadiga ah" ("Convention Refugee") ama "Qof U Baahan Magangalyo" ("Person in Need of Protection").
6. Go'aanka: Xubinta Guddoonka waxaa dhici karta in ay go'aan afkaa samayso dhammaadka maxkamadda, ama waxay qaadan kartaa waqtii dheeraad ah go'aankana qoraal kuugu soo diri kartaa. Labada siyoodba, waxaad boostada ka heli doontaa "Ogeysiiska Go'aanka".

Badanaaba waxaa la qaataa waqtii nasasho gaaban markay maxkamaddu socoto kalabar, waqtigaas oo ad musqusha isticmaali kartid ama ad wax soo cabbi kartid.

**Waa maxay macnaha haddii
Qareenka Wasiirku [wakiil ka
socda Wasaaradda Socdaalka
iyo Waddananimada
Kanada (CIC) ama Hay'adda
Adeegyada Xudduuda
Kanada (CBSA)] uu ka soo
qaybgalo maxkamadda
dacwaddayda?**

Qareenka Wasiirka [wakiil ka socda Wasaaradda Socdaalka iyo Waddananimada Kanada (CIC) ama Hay'adda Adeegyada Xudduuda Kanada (CBSA)] waxaa dhici karta in uu ka soo qaybgalo maxkamadda dacwaddaada. Waa laguu sheegi doonaa maxkamadda ka hor haddii Qareenka Wasiirku imaanayo maxkamadda, sababtoo ah waxay kuu soo dirayaan Ogeysiiska Faragalinta (Notice of Intervention). Ogeysiisku wuxuu kuu sheegayaa in Qareenka Wasiirku maxkamadda ka qaygalayo ama un qoraallo maxkamadda keeni doono. QORAALLADA SI TAXADAR LEH U AKHRI – waxaa dhici karta in Wasiirku ku doodo in caddaymuhi muujinayaan in sheekadaadu aysan run ahayn.

Haddii Qareenka Wasiirku ka soo qaybgalo (soo faragashado) maxkamadda dacwaddaada, wuxuu ku doodi doonaa in an lagu siin sharciga qaxootiga. Qareenka Wasiirku wuxuu dacwaddaada uga soo horjeesan karaa sababa badan awgood: In ay rumaysan yihiin in adan runta sheegayn, in ay su'aalo ka qabaan qofka ad tahay, in ay rumaysan yihiin in ad dambi soo gashay ama ad ka tirsan tahay urur argagixisa, ama sabab kale. Waa inaad Wasiirka weydiisid sababta ay maxkamadda dacwaddaada ugu soo qaybgalayaan haddii an arrintaas laguu sharraxin.

**Maxaan u baahnahay
in an maxkamadda
dacwaddayda u soo qaato?**

Soo qaado Foomka Xogta Dacwaddaada Qaxootinimo (BOC Form), dhammaan warqadahaaga aqoonsiga asalka ah iyo caddaymaha kale ee ad u gudbisay Hay'adda Adeegyada Xudduuda Kanada (CBSA), Wasaaradda Socdaalka iyo Waddaninimada Kanada (CIC) ama Hay'adda Socdaalka iyo Qaxootiga Kanada – Qaypta Magangalyada Qaxootiga (IRB-RPD). Waxaad kaloo soo qaadataa warqad kasta oo dawladdu kuu soo dirtay ilaa markii ad timid Kanada.

**Maxkamadda dacwaddaydu
ma sir baa?**

Dhammaan maxkamadaha dacwadaha qaxootigu waa sir. Taasoo macnaheedu yahay in dhammaan dadka ku jira qolka maxkamadda, oo uu ku jiro turjumaanku, aysan xogta dacwaddaada la wadaagi karin qof kale.

**Maxaan sameeyaa
haddii anan fahmin wax
turjumaanku sheegay ama an
rumaysnahay in turjumaanku
wax khalday?**

Haddii ad rumaysan tahay in turjumaanku wax khalday ama adan fahmin wax la sheegay intii maxkamaddu socotay, u sheeg Xubinta Guddoonka. Haddii goob joogayaashu ay rumaysan yihiin in turjumaanku wax khalday, waa in ay u sheegaan qareenkaaga marka la galo nasashada ama dhammaadka maxkamadda. Haddii turjumaanku khaldo turjumidda wax ad tiri, ku celi ereyadii hore ee ad tiri ama ku celi hadalkii adoo eraya kale isticmaalaya ilaa ad ku qanacdid turjumaadda. Haddii adan wali ku qanacsanayn turjumaadda, u sheeg Xubinta Guddoonka.

**Ma soo kaxaysan karaa
markhaatiyaal?**

Haa. Markhaatiyaalkaagu waxay uga soo qaybgali karaan ayagoo yimaada, telefoon ama maqal iyo muuqaal. Waxaa lagaaga baahan yahay in ad qoraal ugu sheegtid Hay'adda Socdaalka iyo Qaxootiga Kanada – Qaypta Magangalyada Qaxootiga (IRB-RPD) in ad markhaatiyaal u yeeraysid ugu yaraan 10 maalmood ka hor maxkamaddaada. Waa inaad u gudbisid Hay'adda Socdaalka iyo Qaxootiga Kanada – Qaypta Magangalyada Qaxootiga (iyo Qareenka Wasiirka , haddii u ka soo qaybgalayo) xogta halka lagala xiriirayo, sida markhaatiyadu ay kuu yaqaanaan (qoyskaaga, saaxiib, urur bulsho) sida caddayntoodu ay u khusayso dacwaddaada, in ay ku markhaati furayaan telefoon ama ay imaanayaan, iyo inta ad isleedahay in markhaati furkoodu qaadan doono. Haddii ad u yeeraysid "markhaati khabuur ah" waa in ad ayadana keento xogta ku saabsan shahaadooyinka markhaatiga. Markhaatiyada imaanaya waxay fariisanayaan qolka maxkamadda bannaankiisa ilaa la gaaro waqtigii ay hadli lahaayeen. Haddii markhaatigaagu u ku markhaati furayo telefoon waa in ad keentid kaar telefoon lagu waco.

**Ma soo kaxaysan karaa
saaxiibbo?**

**Waa maxay macnaha haddii
la ii sheego in an ahay qof
"an la ogolayn"?**

**Ma u baahnahay in an
carruurtayda keeno
maxkamadda?**

Mixaan soo labistaa (xirtaa)?

**Maxkamadda dacwaddayda
ma la duubayaa?**

**Mixaan sameeyaa haddii
an xanaaqo ama oohin ka
wareego?**

Haa. Haddii an lagu darin liiska markhaatiyada, looma ogolaan doono in ay ka hadlaan maxkamadda, xataa haddii ay xog ogaal u yihii dacwaddaada. Waa in ay saxiixaan foom maalinta maxkamaddaada, aygoo caddaynaya in ay fahamsan yihii in maxkamaddaadu sir tahay.

Macnaheedu waxaa weeye in Hay'adda Socdaalka iyo Qoxootiga Kanada – Qaybta Magangalyada Qaxootigu (IRB-RPD) ay rumaysan tahay in adan u qalmin magangalyo qaxootinimo, in kastoo ay dhici karto in ad khatar kaga jirtid waddankaajii. Tusaale ahaan, waxaan laguu ogolaan Karin haddii ad dambi xun ku soo gashay meal Kanada ka baxsan, ama haddii u jiro waddan kale oo ad ugu noolaan kartid si nabadgalya ah, kuna leedahay xuquuq la mid ah tan waddaniyiinta kale. Ogolaansho la'aantu aad bay halis u tahay. Badanaaba waa laguu sheegayaa haddii ogolaansho la'aantu tahay qodob ka mid ah dacwaddaada ka hor inta aysan bilaaban maxkamaddaadu. Haddii Hay'adda Socdaalka iyo Qaxootiga Kanada – Qaybta Magangalyada Qaxootigu ay kuu sheegto in ogolaansho la'aantu ay tahay qodob ka mid ah maxkamadda, waa in ad weydiisatid in maxkamadda dib laguugu dhigo (maxkamadda maalin kale laga dhigo) si ad u heshid waqtii ad ku soo uruursatid caddaymo una soo diyaarsatid dood sharci ah oo ad uga jawaabtid shakigooda.

Haddii ad leedahay carruur yaryar oo ku jirta dacwaddaada qaxootinimo, waxaad u baahan tahay in ad keentid maxkamaddaada si loo aqoonsado. Markii la aqoonsado ka dib, waxay u badan tahay in Xubinta Guddoonku u sheegto carruurtaada in ay qolka maxkamadda ka baxaan. Soo kaxayso qof carruurta kuu haya inta maxkamaddu ka dhammaanayso.

Maalinta maxkamaddaada, soo gasho dhar ad dareemaysid raaxo, dagganaansho iyo wax lala shirtagikaro (golejoojis). Dharkaagu waa inuu yahay nadiif, qurxoon yahay, kuna siiyo dareen kalsoonii, isla markaana muujinaya in ad ogsoon tahay muhiimadda maalintaas.


Makrafoono yaalla qolka maxkamadda ayaa duubaya dacwaddaada. Haddii lagu siiyo go'aan diidmo ah, adna rumaysan tahay in Xubinta Guddoonku aysan fahmin caddaymaha, waxaad weydiisan kartaa Hay'adda Socdaalka iyo Qaxootiga Kanada (IRB) nuqul wixii la duubay ah si ad u tustid wixii la yiri.

Ha walwalin. Dad badan baa ooya markay ku jiraan maxkamadda dacwaddooda qaxootinimo. Inta maxkamadda lagu jiro mar kastoo ad dareentid xanaaq, waxaad qaadi kartaa tallaabooyin ad isku dajinaysid. Tusaale ahaan:

- si fiican neefta u qaado 3 ama 4 jeer
- weydiiso in biyo laguu keeno
- weydiiso nasasho kooban

 **Xususnow, tani waa maalintaadii. Samee wax kasta oo
ad u baahan tahay in ad samaysid, si ad u dareentid sida
ugu raaxa badan uguna daggan ee suurtagalka ah.**

Liiska Qodobbada Diyaarinta Maxkamadda Dacwadda



Isticmaal liiska qodobbada soo socda si uu kaaga caawiyo in ad isu diyaarisid maxkamadda. Haddii ad qareen leedahay, qareenkaagu dib ha kuula eego liiska qodobbada.



- Wuxaan la kulmay qareenkayga (haddii an qareen leeyahay) aadna waa ugu diyaarsanahay maalinta maxkamaddayda.
- Wuxaan u turjumay Af Ingiriis ama Af Faransiis, waana u gudbiyey Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD), dhammaan warqadahayga aqoonsiga iyo caddaymaha la xiriira (tusaale, caddaymo qoraal ah, caddaymo maqlal iyo muuqaal ah, maqaallo, iwm.) ugu yaraan 10 maalmood maxkamaddayda ka hor.
- Haddii wax arrimo cusub ahi dhacaan ama caddaymo cusub an helay, xataa ayadoo ay maxkamaddaydii ka hartay 10 maalmood, qoraaladaas cusub waxaan u turjumay Af Ingiriis ama Af Faransiis waana gudbiyey.
- Haddii Hay'adda Socdaalka iyo Qaxootiga Kanada – Qaybta Magangalyada Qaxootigu (IRB-RPD) ii soo dirtay farriimo cusub oo ay iiga codsanayso caddaymo dheeraad ah, waa gudbiyey.

- Wxaan dib u akhriyey Foomka Xogta Dacwaddayda Qaxootinimo (BOC Form), anoo hubinaya in waxa an ku qoray ay sax yihiin dhanna yihiin. Haddii an helay wax khaldan ama faahfaahin an ka tagay waan u sheegay Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) iyo qareenkayga, haddii an qareen leeyahay.
- Wxaan dib u eegay qeexidda sharciyada "Qaxootiga Caadiga ah" ("Convention Refugee") iyo "Qofka U Baahan Magangalyada" ("Person in Need of Protection") (eeg bogogga 20–21), iyo qodobada sharciga ugu muhiimsan dacwaddayda qaxootinimo (eeg bogogga 23–27).
- Wxaan diyaarsaday dhammaan qoraalada dacwaddayda qaxootinimo an u qaadan lahaa maxkamadda dacwaddayda [warqadihii aqoonsiga asalka ahaa, nuqulada caddaymaha asalka ahaa ee an gudbiyey, nuqul ah Foomka Xogta Dacwaddayda Qaxootinimo (BOC Form) iyo foomamka Wasaaradda Socdaalka iyo Waddananimada Kanada (CIC forms), iyo nuqullo ah dhammaan warqadihii iyo qoraalladii an ka helay Hay'adda Adeegyada Xudduuda Kanada (CBSA), Wasaaradda Socdaalka iyo Waddananimada Kanada (CIC), iyo Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD)].
- Wxaan Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) siiyey magacyada iyo xogta halka lagala xiriiri karo markhaatiyada ku marag furi doona qof ahaan ama telefoon ahaan ugu yaraan 10 maalmood ka hor maxkamaddayda (eeg bogga 34). Markhaatiyadayda wxaan u sheegay wixa ka dhici doona maxkamadda dacwaddayda qaxootinimo, iyo sababta caddaymahoodu muhiimka ugu yihiin dacwaddayda. Wxaan kaloo u sharraxay in Xubinta Guddoonku ay dhici karto in ay su'aalo weydiiso si ay u hubiso in caddaymahoodu yihiin kuwo la rumaysan karo, waafaqsanna xogta an bixiyey. Wxaan xaqiijiye in markhaatiyadaydu ogyihiin waqtiga, taariikhda, iyo goobta maxkamadda dacwaddayda.
- Wxaan ogahay in la ii ogol yahay in an maxkamaddayda keensado goobjooge (saaxiib, xubin qoyska ah, qof taageere ah) si ay ii taageeraan. Haddii an go'aasaday in an casumo goobjooge, waan ku wargaliyey waqtiga, taariikhda, iyo goobta maxkamaddayda.
- Wxaan carruurtayda u diyaariyey dad haya, haddii an carruur leeyahay. Wxaan ogahay in Xubinta Guddoonka Hay'adda Socdaalka iyo Qaxootiga Kanada – Qaybta Magangalyada Qaxootigu (IRB-RPD) ay tahay in ay aragto carruurtayda marka maxkamaddu bilaabmayso.
- Wxaan u diyaarsanahay maxkamadda dacwaddayda. Wxaan sharixi karaa sababta an uga baqayo in an ku laabto waddankaygii, wxaanan ku celceliyey in an su'aalaha uga jawaabo qareenkayga, xubin qoyskayga ah, ama saaxiibkay.



Maxaa dhacaya haddii an u baahdo in an baddalo taariikhda ama waqtiga maxkamaddayda xaalad deg deg ah awgeed?

Adiga ama qareenkaagu waa in uu:

- Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) qoraal ugu sheego ugu yaraan 3 maalmood ka hor maxkamaddaada
- Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) siyyo 3 taariikhhood iyo waqtii oo kale oo suurtagal ah oo ay maxkamaddaadu dhici karto, kuwaasoo ah 10 maalmood oo shaqo gudahood marka laga bilaabo taariikhda maxkamaddaadii hore.
- Gudbiyo warqad caafimaad oo dhakhtarkaagu soo qoray, haddii sababtu tahay caafimaad; haddii adan waqad caafimaad keeni karin, waa inaad gudbisid warqad sharraxaysa sababta adan u heli karin
- Haddii adan jawaab ka helin Hay'adda Socdaalka

iyo Qaxootiga Kanada – Qaybta Magangalyada Qaxootiga (IRB-RPD) waa in ad tagtid maxkamadda taariikhdi hore ee laguu qabtay. Haddii adan tagin, waxaa lagaa rabaa in ad tagtid "maxkamad gaar ah" ("special hearing") taariikhda ku qoran "Ogeysiiska Ballanta Maxkamadda Dacwadda" ("Notice to Appear for a Hearing". "Maxkamaddaada gaarka ah," waxaa dhici karta in dacwaddaada lagu go'aamiyo "mid laga noqday" ("abandoned"). Sidoo kale, haddii Qareenka Wasirku [wakiil ka socda Wasaaradda Socdaalka iyo Waddananimada Kanada (CIC) ama Hay'adda Adeegyada Xudduuda Kanada (CBSA)] ka soo qaybgalayo maxkamaddaada, waa in ad u dirtid codsigaaga nuqul ah. Warqadda ad u diraysid Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD), waa in ad u sharraxdid sidii iyo goortii ad siisay nuqul Wasaaradda Socdaalka iyo Waddananimada Kanada (CIC) ama Hay'adda Adeegyada Xudduuda Kanada (CBSA).

Maxkamadda Dacwaddaada Ka Dib



Go'aan Togan / Ogolaansho (Positive Decision):

Haddii ad heshid go'aan ogolaansho oo Wasiirkuna rafcaan ka qaadan 15 maalmood gudahood, sharci dagganaansho Kanada ayaad ka codsan kartaa Wasaaradda Socdaalka iyo Waddanimimada Kanada. Codsigaaga waxaad ku dari kartaa lamaanahaaga (xaaskaaga / ninkaaga) iyo carruurta xaqa u leh.

Kooxaha dadka qaarkood waxaa loo sheegi karaa in ay yihiin Waddaniyiin Shisheeye an Caadi Ahayn (Designated Foreign Nationals). Haddii ad tahay Waddani Shisheeye an Caadi ahayn, waxaad sugaysaa 5 sano oo ka horreysa inta ad codsan kartid sharci dagganaansho. Hay'adda Adeegyada Xudduuda Kanada (CBSA) ama Wasaaradda Socdaalka iyo Waddanimimada Kanada (CIC) ayaa kuu sheegeysa maxkamadda ka hor haddii ad tahay Waddani Shisheeye an Caadi Ahayn (DFN) (eeg bogga 40).

Kanada ha ka bixin adoon qareen la hadlin. Haddii ad u baahan tahay in ad Kanada ka baxdid waa in ad codsatid Warqadda Safarka Qaxootiga (Refugee Travel Document). Codsiga Warqadda Safarka Qaxootiga waxaa laga heli karaa: www.ppt.gc.ca. Riix "Foom Hel" ("Find a Form") ka bacdina dooro mid ka mid ah "Codsiyada Warqadda Safarka" ("Travel Document Applications").

Go'aan Taban / Diidmo (Negative Decision):

Haddii ad heshid go'aan diidmo, qareen kala hadal fursadaha kalee kuu furan:

- Wuxaan dooran kartaa in ad iskaa Kanada iskaga baxdid, ama
- Haddii ad xaq u leedahay in ad rafcaan qaadatid, go'aanka waxaad rafcaan uga qaadan kartaa Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD), ama
- Haddii adan xaq u lahayn rafcaan, waxaad ka codsan kartaa Maxkamadda Federaalka (Federal Court) Dib U Eegis Garsoor (Judicial Review) ee go'aanka.

Haddii ad go'aanka diidmada ee Hay'adda Socdaalka iyo Qaxootiga Kanada – Qaybta Magangalinta Qaxootiga (IRB-RPD) Rafcaan uga qaadatid Hay'adda Socdaalka iyo Qaxootiga Kanada – Qaybta Rafcaanka Qaxootiga (IRB-RAD):

- Waxaad u baahan tahay in qareen ku caawiyo sababtoo ah waa qaab dhib badan waqt badanna u baahan. Haddii ad qareen weydid, la xiriir mid ka mid ah hay'adaha ku qorn bogga 44 si ay kuu caawiyaan.
- Waa in ad ka cadsatid Hay'adda Socdaalka iyo Qaxootiga Kanada – Qaybta Rafcaanka Qaxootiga (IRB-RAD) 15 maalmood gudahood markaad heshid "Ogeysiiska Go'aanka" ("Notice of Decision"). Taa ka dib, waxaad haysataa 15 maalmood oo kale si ad u wanaajisid (dhammaysid) rafcaankaaga.
- Waxaa laguu ogol yahay in ad Kanada sii joogtid inta go'aan laga gaarayo rafcaankaaga Hay'adda Socdaalka iyo Qaxootiga Kanada – Qaybta Rafcaanka Qaxootiga (IRB-RAD).
- Rafcaanada badankooda, maxkamadi ma dhacdo. Go'aanka rafcaanka waxaa lagu saleeyaa caddaymahaagii iyo doodahaagii ad qortay, waxaana laguugu soo diraya 90 maalmood gudahood.
- Haddii ay Hay'adda Socdaalka iyo Qaxootiga Kanada – Qaybta Rafcaanka Qaxootigu diido rafcaankaaga,

Cinwaanada Maxkamadda Federaalka, gal:

http://cas-ncr-nter03.cas-satj.gc.ca/portal/page/portal/CAS/locations_eng

Wixii macluumaad dheeri ah ee rafcaanada Hay'adda Socdaalka iyo Qaxootiga Kanada – Qaybta Rafcaanka Qaxootiga (IRB-RAD) gal: www.irb-cisr.gc.ca/Eng/RefApp/Pages/RefApp.aspx



Xaq ma u leeyahay in an rafcaan u qaato Hay'adda Socdaalka iyo Qaxootiga Kanada – Qaybta Rafcaanka Qaxootiga (IRB-RAD)?

Aad bay muhiim u tahay in ad qareen la hadashid si loo ogaado in ad xaq u leedahay in ad rafcaan ugu qaato Hay'adda Socdaalka iyo Qaxootiga Kanada – Qaybta Rafcaanka Qaxootiga (IRB-RAD) go'aanka diidmo ee Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD). Haddii adan haysan qareen, isku day in ad talo ka heshid qareen ama arday sharciga barta oo ad ka heli kartid mid ka mid ah rugaha la talinta sharciga lacag la'aanta ah oo ku qoran bogga 44 ee Buughagahaan.

Dadka qaxootinimada u dacwoonaya qaarkood, sida kuwa ah Waddaniyiin Shisheeye An Caadi Ahayn, iyo kuwa Hay'adda Socdaalka iyo Qaxootiga Kanada – Qaybta Magangalyada Qaxootigu (IRB-RPD) ay sheegtagtay in ay wataan dacwado "sida muuqata an waxba ka jirin" ama dacwado "an ku salaysnay wax la rumaysan karo" xaq uma laha in ay rafcaan u qataan Hay'adda Socdaalka iyo Qaxootiga Kanada – Qaybta Rafcaanka Qaxootiga (IRB-RAD).

waxaad ka codsan karta Maxkamadda Federaalka Dib U Eegis Garsoor. Waxaa laguu ogol yahay in ad sii joogtid Kanada inta go'aan kama dambays ah laga gaarayo codsigaagii Dib U Eegista Garsoorka.

Haddi adan xaq u lahayn in ad rafcaan u qaadatid Hay'adda Socdaalka iyo Qaxootiga Kanada – Qaybta Rafcaanka Qaxootiga (IRB-RAD), kana cadsatid Maxkamadda Federaalka Dib U Eegis Garsoor go'aanka diidmo ee Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD):

- Waa in ad heshid qareen ku caawiya sababtoo ah waa qaab dhib badan waqt badanna u baahan.
- Waa in ad ka cadsatid Maxkamadda Federaalka 15 maalmood gudahood markaad heshid "Ogeysiiskaaga Go'aanka" ("Notice of Decision").
- Haddii ay kuugu yeerto Hay'adda Adeegyada Xudduuda Kanada (CBSA) in lagu dhoofiyiyo, waa in ad u sheegtid qareenkaaga isla markiiba. Waxaad ka codsan kartaa Maxkamadda Federaalka in lagaa joojiyo dhoofinta si ad u sii joogtid Kanada inta ad sugaysid go'aanka Dib U Eegista Garsoorka.



Waa maxay farqiga u dhexeeyaa rafcaan ugo Dib U Eegis Garsoor?

Dhanka rafcaanka, waxaa go'aanka gaara xubin ka tirsan Hay'adda Socdaalka iyo Qaxootiga Kanada – Qaybta Rafcaanka Qaxootiga (IRB-RAD) waxayna xubintaasu go'aan cusub ka gaari kartaa dacwaddaadii. Dhanka Dib U Eegista Garsoorka, waxaa go'aanka gaara Garsoore Maxkamadda Federaalka, kaasoo go'aamin kara oo kaliya in Xubinta Guddoonka maxkamaddaadu samaysay khalad sharci markay go'aanka qaadanaysay. Haddii garsooruhu go'aansado in khalad jiray, dacwaddaada waxaa dib loogu celinaya Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD) in maxkamad cusub la qaado.

Haddii ad xaq u leedahay in ad rafcaan u qaadato Hay'adda Socdaalka iyo Qaxootiga Kanada – Qaybta Rafcaanka Qaxootiga (IRB-RAD), waa in ad dhammaysid rafcaankaaga ka hor inta adan codsan Dib U Eegis Garsoor.

Qeexidda Ereyada / Weeraha Sharciga

Dacwad laga noqday (Abandoned claim):

Haddii ad gaftid maalinta ugu dambaysa Xogta Dacwaddaada Qaxootinimo (BOC) ama maxkamaddaada, waxaa dhici karta in Hay'adda Socdaalka iyo Qaxootiga Kanada – Qaypta Magangalyada Qaxootigu (IRB-RPD) ku dhuwaaqdo in dacwaddaadu tahay mid "laga noqday" ("abandoned"). Taasoo macnaheedu yahay in an laguu ogolaan doonin in ad sii waddid dacwaddaada ama mar kale dacwad furtid mustaqbalka. Haddii dacwaddaada lagu dhawaaqay in ay tahay mid "laga noqday" waxaad codsan kartaa in dacwadda dib laguugu furo, haseyeeshee codsigaasu waa mid aad u adag in lagu guulaysto.

Waddan Ammaana [Designated Country of Origin (DCO)]:

Waa waddan ku jira liiska "waddamada ammaankaa" ee Wasaaradda Socdaalka iyo Waddaninimada Kanada (CIC) (waddamada ay Dawladda Kanada xaqiijisay in aysan badanaaba soo saarin qaxooti, haseyeeshee dhawra xuquuqda aadanaha, sugana nabadgalyada dalka). Tusaale ahaan: Maraykanka iyo waddamada Yurub badankooda. Qaxootiga ka yimaadaa Waddamada Ammaankaa (DCO) waxay leeyihiin shuruuc gaar ah oo khuseysa nadaamka dacwaddooda. Liiskii ugu dambeeyey ee Waddamada Ammaankaa, booqo bogga internetka www.cic.gc.ca [raadi "Waddamada Ammaankaa" ("DCO")]. Dadka ka yimaadaa Waddamada Ammaankaa waxay wajahayaan ballamo maxkamado la dadajiye marka la qaabilayo dacwaddooda qaxootinimo.

Waddani Shisheeye An Caadi Ahayn (DFN):

Waa qof Kanada yimid asagoo la socda koox dad ah, oo Dawladda Kanada u aqoonsato "yimaade an caadi ahayn" ("irregular arrival"). Yimaadayaalka An Caadiga Ahayn waxay leeyihiin shariyo gaar ah oo lagu dhaqo nadaamka dacwaddooda iyo hayntooda (xiriddooda).

Wakiilka Danaha Qofka (Designated Representative):

Waa qof ay u dooratay Hay'adda Socdaalka iyo Qaxootiga Kanada – Qaypta Magangalyada Qaxootigu (IRB-RPD) in uu masuul ka noqdo ilaalinta danaha qofka carruurta ah oo ka yar 18 sano ama qofka weyn oo an kaligiis fahmayn nadaamka qaxootiga. Qofkaasu badanaaba waa qof waalid ah, haseyeeshee wuxuu noqon karaa xubin kale oo qoyska ka mid ah, saaxiib ama shaqaale hay'adda adeegyada bulshada.

Qof la reebay (Excluded person):

Waa qof an loo aqoonsan karin "Qaxooti Caadiya" ("Convention Refugee") ama "Qof La Magangaliyey" ("Protected Person").

Tusaale ahaan:

- Qof dambi culus ku soo galay Kanada meel ka baxsan
- Qof xuquuq waddaninimo ama sharci dagganaansho ku leh waddan kaloo nabadgelyo ah

**Habka dacwadda
la dadajiyey
(Expedited Process):**

Dacwadda qaxootiga waa la dadajiya marka Hay'adda Socdaalka iyo Qaxootiga Kanada – Qaybta Magangalyada Qaxootigu ay u aragto in dacwadda go'aan laga gaari karo ayadoon qofka qaxootiga u dacwoonayaa tagin maxkamad. Hay'adda Socdaalka iyo Qaxootiga Kanada – Qaybta Magangalyada Qaxootiga ayaa kugu wargalin doonta haddii ad u qalantid habkaan deg degga ah. Booqo www.kinbrace.ca/rhp-guide/updates si ad u fahamtid dadka u qalma habkaan iyo goorta ay u qalmaan.

**Waxyeello / Cadaadis
(Persecution):**

Guud ahaan, cadaadis waxaa loola jeedaa waxyeello culus oo khatar ku ah ama ku xadgudubta xuquuqda aadanaha ahna mid soo noqnoqota ama joogta ah. Qeexidda sharciga ereygu waa adag tahay, waxaana lagugula talinayaa in ad qareen kala tashatid famahka sida qeexidda ereygu u khuseeyo dacwaddaada. Jirdil, garaacid, hanjabaado dil, khasab dhufaanid, khasab gudid dumar, guur khasab ah, xabsi galin sabab dhaqdhqaaqyo siyaasadeed oo an rabshado lahayn, iyo kufsi ayaa ka mid ah tusaalayaasha ereyga cadaadis / waxyeello (persecution).

**Maxkamad gaar ah
(Special hearing):**

Waa maxkamad lagu go'aaminayo in dacwaddaada qaxootinimo lagu dhawaaqo in ay tahay mid "laga noqday" ("abandoned"). Waa in ad hor tagtid "maxkamad gaar ah" haddii ad gaftid maalinta ugu dambaysa ee gudbinta Foomka Xogta Dacwaddaada Qaxootinimo (BOC Form) ama haddii adan tagin maxkamadda dacwaddaada qaxootinimo. Taariikhaha "maxkamadahaaga gaarka ah" waxay ku qoran yihiin "Ogeysiiska Ballanta Maxkamadda Dacwadda" ("Notice to Appear for a Hearing") lagu siiyey bilowgii dacwaddaada qaxootinimo.

**Qof nugul / jilicsan
(Vulnerable person):**

Qofka nugul ama jilicsan waa qof, sabab gaar ah awgeed, ay dhib ku tahay maxkamad caadi ah una baahan in wax laga baddalo qaabka maxkamadda. Waxay u nuglaan karaan sabab jirro, da', ama soo maray dhacdooyin naxdin iyo murugo badan oo ay ku adag tahay in ay sharraxaan wixii ku dhacay. Wax ka baddal nooceee ah ayaad codsan kartaa? Tusaale ahaan, haddii ad ogtahay in ad ku hafanaysid oo wareeraysid, waxaad codsan kartaa nasiinooyin badan. Haddii ad tahay qod dumar ah oo soo martay faraxumayn galmo, ama dhibaatooyin kale oo ay adag tahay in ad u sharraxdid qof rag ah, waxaad codsan kartaa Xubinta Gudoonka iyo turjumaanka in ay noqdaan dumar. Haddii ay ku soo jaahwareeriyeen dhacdooyin hore, waxaad codsan kartaa Xubin Guddoon oo dareen gaar ah u leh waxyelooinka musiibada.

Haddii ad tahay qof nugul, adiga ama qareenkaagu waa in uu isla markiiba u sheegaa Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD). Hay'adda Socdaalka iyo Qaxootiga Kanada – Qaybta Magangalyada Qaxootiga u sheeg wax ka baddalka nadaamka maxkamadda kuu sahlaya in ad soo bandhigtid dacwaddaada. Mararka qaarkood, waxaa waxtar leh in ad codsigaaga ku xoojisid warqad dhakhtar kuu soo qoray. Haddii ay Hay'adda Socdaalka iyo Qaxootiga Kanada – Qaybta Magangalyada Qaxootigu (IRB-RPD) go'aansato in ad tahay qof nugul, waxay kuu samaynayaan qorsheyaal gaar ah oo ay kuugu fududaynayaan in ad wax ku caddaysid.

Hay'adaha Dawladda



Saddex hay'adood oo dawladdaa ayaa kaalin ama lug ku leh nadaamka dacwadda qaxootiga: Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD), Wasaaradda Socdaalka iyo Waddananimada Kanada (CIC), iyo Hay'adda Adeegyada Xudduuda Kanada (CBSA). Haddii ad baddashid cinwaankaaga ama nambarka telefoonka, waa in ad **hay'ad walba ula xiriirtid gaar ahaanteeda**, siisidna macluumaadkaaga cusub. Marka ad warqad u qoraysid Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD), ku qor magacaaga iyo Nambarka Galka Hay'adda Socdaalka iyo Qaxootiga Kanada (IRB File Number) ama Nambarka Aqoonsiga Macmiilka Gaarka ah [Client ID (UCI)]. Markaad warqad u qoraysid Wasaaradda Socdaalka iyo Waddananimada Kanada (CIC) ama Hay'adda Adeegyada Xudduuda Kanada (CBSA), ku qor magacaaga iyo Nambarka Aqoonsiga Macmiilka Gaarka ah (Client ID ama UCI). Nambarka Aqoonsiga Macmiilka, ama Nambarka Aqoonsiga Macmiilka Gaarka ah (Client ID ama UCI) waa nambarka siddeeda nambar ka kooban oo ku qoran Caddayntaada U Dacwoodaha Magangalyo Qaxooti (Refugee Protection Claimant Document).



Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD)

Kaalinta ay ku leedahay habka dacwaddaada:

- Waxay dib u eegtaa Foomka Xogta Dacwaddaada (BOC Form)
- Waxay fulisaa maxkamaddaada qaxootinimo
- Waxay go'aamisaa in dacwaddaada qaxootinimo la ogolaaday ama la diiday
- Waxay bixisa hanuuninta nadaamka maxkamadda qaxootiga ayadoo u maraysa barnaamijka Booqashada DIYAARINTA (READY Tour)

Halka lagala xiriiro:

Immigration and Refugee Board of Canada
Refugee Protection Division
300 West Georgia Street, Suite 1600
Vancouver, BC V6B 6C9

Saacadaha Shaqada: 8:00 am – 4:00 pm, Isniiñ ilaa Jimce

Telefoon: 604-666-5946 ama 1-866-787-7472
Fakis: 604-666-3043

Bogga Internetka: www.irb-cisr.gc.ca



Wasaaradda Socdaalka iyo Waddaninimada Kanada (CIC)

Kaalinta ay ku leedahay habka dacwaddaada:

- Waxay qabataa codsigaaga si ad u bilawdid dacwadda qaxootinimo (Kanada gudaheeda) waxayna go'aamisaa in ad u qalantid in ad dacwootid
- Haddii ad u qalantid, waxay xogta dacwaddaada u gudbisaa Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD)
- Waxay mucaaradi kartaa dacwaddaada ayadoo caddaymo qoraal ah u diraysa ama wakiil, loo yaqaan Qareenka Wasiirka, kaa soo horjeeda maxkamaddaada

Waajibaad dheeraad ah:

- Waxay bixisa warqadaha shaqada iyo Caymiska Caafimaadka Federaalka Ku Meel Gaarka ah

Halka lagala xiriiro:

Citizenship and Immigration Canada
269 Main Street, Suite 400
Winnipeg, Manitoba, R3C 1B2

Saacadaha shaqada: 8:00 am – 4 pm, Isniiñ ilaa Jimce

Xarunta Wicidda (CIC Call Centre): 1-888-242-2100

Bogga Internetka: www.cic.gc.ca



Hay'adda Adeegyada Xudduuda Kanada (CBSA)

Kaalinta ay ku leedahay habka dacwaddaada:

- Waxay qabataa codsigaaga si ad u bilawdid dacwadda qaxootinimo Halka ad Kasoo Gashay (xudduud, dakad, ama garoon dayuuradeed) waxayna go'aamisaa in ad u qalantid in ad dacwootid
- Haddii ad u qalantid, waxay xogta dacwaddaada qaxootinimo u gudbisaa Hay'adda Socdaalka iyo Qaxootiga Kanada – Qaybta Magangalyada Qaxootiga (IRB-RPD)
- Waxay mucaaradi kartaa dacwaddaada ayadoo caddaymo qoraal ah u diraysa ama wakiil, loo yaqaan Qareenka Wasiirka, kaa soo horjeeda maxkamaddaada

Waajibaad dheeraad ah:

- Waxay ilaalisaa xudduudaha Kanada, waxayna go'aamisaa cidda soo galaysa Kanada iyo cidda ay tahay in ay baxdo
- Waxay diyaarisaa in Kanada lagaa dhoofiyi, haddii lagu siiyo go'aan diidmo dacwaddaada qaxootinimo
- Waxay awood u leedahay in ay ku xirto haddii ay xaqiijin waayaan aqoonsigaaga, haddii ay rumaysan yihiin in ad khatar galin kartid bulshada Kanada, ama haddii ay rumaysan yihiin in adan u hoggaansami doonin sharci ka mid ah Xeerarka Socdaalka Kanada. (Haddii lagu xiro, waxaad xaqi u leedahay qareen maxkamadna waa lagu saarin looga doodayo sii dayntaada).

Halka lagala xiriiro:

Canada Border Services Agency
The Johnston Terminal Building
4th Floor, 25 Forks Market Road
Winnipeg, Manitoba, R3C 4S9

Saacadaha shaqada: 8:00 am – 4 pm, Isniiñ ilaa Jimce

Telefoon: 1-800-461-9999

Bogga Internetka: www.cbsa-asfc.gc.ca

Macluumaad (Resources)

Winnipeg waxaa jira ururro ku caawin kara inta ad ku jirtid nadaamka dacwadda qaxootinimo. Boggani wuxuu liis kuugu qorayaa ururrada sharciga, ururrada bulshada iyo macluumaadka internetka oo ad kala xiriiri kartid caawimaad.

Hay'adda Socdaalka Dadka Diima Kala Duwan ee Manitoba

(Xarunta Soo Dhaweynta)

521 Bannatyne Avenue
Winnipeg, MB, R3A 0E4
204-977-1000

www.miic.ca

Waxay dadka qaxootinimada u dacwoonaya
siisaa xog, hanuunin u dirid iyo adeegyo sharci.

Caawimaadda Sharciga Manitoba

287, 100 Broadway,
Winnipeg, MB, R3C 0R9
204-985-8500

www.legalaid.mb.ca

Waxay dadka dhaqaalaha hoose ee u
dacwoonaya qaxootiga kuwa xaqa u leh
siisaa la talin iyo qareemid sharci.

Barnaamijka Caawimaadda Qaxootiga ee Jaamacadda Ottawa

ccrweb.ca/en/uorap

Waxay dadka qaxootigaa siisaa taageero
dhanka soo ururinta caddaymaha lagu xoojiyo
dacwadda.

Guriga Nabadda Magacyada Barakaysan

211 Edmonton Street
Winnipeg, MB, R3C 1R4
204-942-5535

www.houseofpeace.ca

Waxay guri caawimaad iyo nabadgelyo leh siisaa
18 qof oo dumar soogalooti ah. Dumarkaasu
waa inay 18 sano jir ama ka weyn yihiin waxayna
joogi karaan muddo ilaa 2 sano ah.

Shirkadda Guriga Rasa Inc.

784 Wolseley Avenue
Winnipeg MB, R3G 1C6
204-786-5741

www.villarosa.mb.ca

Waxay dumarka uurka leh ee u baahan siisaa
hoy, cunto, waxbarasho, barnaamijyo iyo la talin
kuwaasoo ka yimaada meal kastoo Manitoba ah.



Xusuus qoradaya:



Fadlan booqo bogga interneka www.kinbrace.ca si ad uga akhrisatid Buughagahaan (Winnipeg, Manitoba) af:

- Ingiriis
- Faransiiis
- Isbaanish
- Soomaali

Waxaan ku mahadinaynaa deeqsanimada hay'adaha mashruuca qaybta ka qaataay:



Waxaan kaloo u mahad naqaynaa khubarada badan (qaxooti, qareenno, adeeg bixiyaal, iyo kuwa kale) oo sida firfircoonda iyo garashada leh u galiyey waqtiga, ka falcelinta, iyo hal abuurnimada si ay u horumariyaan una sii wanaajiyaa Buughagaha Diyaarinta Maxkamadda Qaxootiga, mahadsanidin.



Kinbrace waxay soo dhaweyso dadka qaxootinimada u dacwoonaya ayadoo siinaysa guryo, hanuunin, wehel, iyo waxbarasho. Shaqadayadu waxay ku salaysan tahay xiriirin iyo soodhaweyn.

Xuquuqda 2015 Kinbrace Community Society

Masuuliyd iska wareejin: Dhammaan macluumaadka ku qoran buughagahaan sax bay ahaayeen markii la daabacay. Haseyeeshee, masuul kama nihin wixii macluumaad isbaddal ku yimaado waqtigaas dabadeed.

Masawirada: Andrea Armstrong